



文苑英華卷第一百八十一

詩三



省試二

州府試附

冬日可愛二首

日華川上動一首

日南長至一首

白日麗江臯一首

夏日可畏一首

秋日懸清光二首

初日照華清宮一首

初日照鳳樓一首

日暮碧雲合一首

日暮天無雲一首

日暮山河清一首

三讓月成魄一首

月照冰池一首

海上生明月一首

壁池望秋月一首

秋月懸清輝一首

月映清淮流二首

圓靈水鏡二首

京兆府試殘月如新月一首

玉繩低建章一首

七月流火一首

壽星見一首

老人星一首

府試觀老人星一首

虹藏不見一首

閏月定四時五首

玉燭一首

新陽改故陰一首

迎春東郊二首

東郊迎氣一首

立春一首

春從何處來一首

長安早春二首

春色滿皇州五首

夏首猶清和一首

冬日可愛

陳諷貞元十年及第

寒日臨清晝寥天一望時去不消埋逕雪先暖讀書帷屬思

光難駐舒情影若遺晉臣比德謝客昔言詩散彩寧備

照流陰信不追餘輝如可就迴燭幸無私

同前

庾承宣貞元八年及第

宿霧開天霽寒郊見初日林疎照逾遠冰輕影微出豈假
陽和氣暫忘玄冬律愁抱望自寬羈情就如失欣欣事幾
許瞳瞳狀非一傾心儻知期良願自茲畢

日華川上動

石殷士

曙霞攢旭日浮景弄晴川杲曜曾潭上悠揚極浦前岸高
時擁媚波遠漸澄鮮萍實空隨浪珠胎不照淵早暄依曲
渚微動觸輕漣孰假咸池望幽情得古篇

日南長至

獨孤鉉元和年吏部

玉曆頒新窮一作窮律凝陰發一陽輪輝猶惜短圭影此偏長

晷度經南斗流星一作晶盡北堂乍疑同周一作周戶耀可愛逗

林光積雪銷微煦初萌動早芒更昇臺上望雲物已昭彰

一作皆 雜詠

白日麗江臯

陳昌言

遲景臨遙水晴空似不高清明開曉鏡昭晰辨秋毫鬱鬱
長堤土離離淺渚毛烟銷占一候風靜擁千艘獨媚青春
柳宜看白鷺濤何年謝公賞遺韻在江臯

夏日可畏

張籍類詩作 丘馮

赫赫温風扇炎炎夏日徂火威馳迥野畏景爍一作爍遙途
勢矯翔陽翰功分造化鑪禁城千品燭黃道一輪孤落照

頻空輦餘暉卷夕梧如何倦遊子中路獨踟躕

秋日懸清光

陶拱洪一作洪

秋至雲容歛天中日景清懸空寒色淨委照曙光盈泫泫
看彌上輝輝望最明煙霞輪乍透葵藿影初生鑒下應無
極升高自有程何當迴盛彩一為表精誠

同前

廖廓涼天靜晶明白日秋圓光含萬象碎影入閑流迥與
青冥合遙同江甸浮晝陰殊衆木斜影下危樓宋玉登高
怨張衡望遠愁餘輝如可託雲路豈悠悠

初日照華清宮

柴宿

靈山初煦澤遠近見離宮影動參差裏光分縹緲中鮮飈

收晚翠佳氣蒲晴空林潤溫泉入樓深復道通璇題生烟
晃珠綴引臆隴鳳輦何時幸朝朝此望同

初日照鳳樓

李虞仲

旭日煙雲殿朝陽燭帝居斷霞生峻宇通閣麗晴厖流彩
連朱檻騰輝照綺疏曠曠晨景裏明滅曉光初戶牖仙山
近軒楹鳳翼舒還如王母過遙度五雲車

日暮碧雲合

許康佐

日際愁陰生天涯暮雲碧重重不辨蓋沉沉乍如積林色
黯疑暝隙光俄已夕出岫且從龍縈空寧觸石餘輝澹瑤
草浮影凝綺席時景詎能留幾思輕尺壁

日暮天無雲

熊孺登

杳杳復蒼然無雲日暮天象分青氣外景盡赤霄前漸吐
星河色遙生水木煙從容難附麗碩步欲澄鮮但見收三
素何能測上玄應非暫呈瑞不許出山川

日暮山河清

天高爽氣晶馳景忽西傾山列千重靜河流一帶明想同
金鏡徹寧讓玉壺清纖翳無由出浮埃不復生縈紆分漢
苑表裏見秦城逸興終難繫抽毫仰此情

三讓月成魄

不得泛說
鄉飲之事

劉琬

爲禮依天象周旋逐月成教人三讓美爲客一宵生初進
輪猶暗終辭影漸明幸陪賓主位取捨任虧盈

月照冰池

葉季良

霽夕雲初斂，棲娥月未虧。圓光生碧海，素色滿瑤池。天迥輪空見，波凝影詎窺。浮霜玉比彩，照像鏡同規。皎潔寒偏淨，徘徊夜轉宜。誰憐幽境在，長與賞心隨。

海上生明月

朱華

皎皎秋中月，團圓

一作團

海上生影開金鏡，蒲輪抱玉壺。清

漸出三山岳，將凌一漢橫。素娥嘗藥去，烏鵲遶枝驚。照水光偏白，浮雲色最明。此時堯砌下，蓂莢自將榮。

壁池望秋月

張子容

涼夜窺清沼，池空水月秋。蒲輪沉玉鏡，半魄落銀鈎。蟾影搖輕浪，菱花渡淺流。涵移光漸潔，雲斂色偏浮。似璧悲三獻，疑珠怯再投。能將千里意，來照楚鄉愁。

秋月懸清輝

蔣防

秋月沿霄漢，亭亭委素輝。山明桂花發，池滿夜珠歸。入牖人偏攬，臨枝鵲正飛。影連平野淨，輪度曉雲微。晶晃浮輕露，徘徊映薄帷。此時千里道，延望獨依依。

月映清淮流

徐敞

遙夜淮彌淨，浮空月正明。虛無含氣白，凝淡映波清。見底深還淺，居高缺復盈。處柔知坎德，持潔表陰精。利物功難並，和光道已成。安流方利涉，應鑒此時情。

同前

淮月秋偏靜，含虛夜轉明。桂花窺鏡發，蟾影映波生。澹灩輪初上，徘徊魄正盈。遙塘分草樹，近浦寫山城。桐栢流光

逐蠙珠濯景清孤舟方利涉更喜照前程

圓靈水鏡

徐敞

浮光上東洛揚彩蒲圓靈明滅淪江水盈虛逐砌莫不分
沙岸白偏照海山清練色臨窓牖蟾光靄戶庭成輪疑璧
影初魄類弓形遠近凝清質娟娟出衆星

同前

張聿

鳳池開月鏡清瑩寫寥天影散微波上光含片玉懸菱花
凝泛灑桂樹映清鮮樂廣披雲日山濤卷露疑作霧年濯纓
何處去鑒物自堪妍迴首看雲液蟾蜍勢正圓

京兆府試殘月如新月

鄭谷見集本

榮落何相似初終却一般猶疑和夕照誰信墮朝寒水圓

輝華別詩家比象難佳人應悞拜栖鳥反求安屈指期輪
蒲何心謂影殘庾樓清賞處吟徹曙鍾看

玉繩低建章

張仲素

迢迢玉繩下芒彩正闌干稍復臨鷓鴣方疑近露寒微明
連粉蝶的皪映仙盤橫接河流照低將夜色殘天榆隨影
沒宮樹與光攢遐想西垣客長吟欲罷難

七月流火

敬括

前庭一葉下言念忽悲秋變節金初至分空一作寒火正流

氣含涼夜早光拂夏雲收助月微明散沿河麗景浮禮標

時令爽詩異一作興國風幽自此觀邦正一作邪深知玉葉一作

王休一作業 一作皆雜詠

壽星見

玄象今何應時和政亦平祥為一人壽色映九霄明皎潔
垂銀漢光芒近十疑作城含規同月蒲表瑞得天清甘露
盈條降祥煙向日生無如此嘉祉率土荷秋成

老人星

趙蕃

太史占南極秋分見壽星增輝延寶曆發曜起祥經灼爍
依狼地昭彰近帝庭高懸方杳杳孤白乍熒熒應見光新
吐休徵德自形既能符聖祚從此表遐齡

府試觀老人星

李頰

良宵出戶庭極目向青冥海內逢康日天邊見壽星臨空
遙灼灼竟曉獨熒熒春後先依景秋來忽近丁垂休歸有

道作瑞掩前經豈比周王夢徒言得九齡

虹藏不見

徐敞

迎冬小雪至應節晚虹藏玉氣徒成象星精不散光美人
初比色飛鳥罷呈祥石澗收晴影天津失彩梁霏霏空暮
雨杳杳映殘陽舒卷應時令因知聖曆長

閏月定四時

羅讓

月閏隨寒暑疇人定職司餘分將考日積筭自成時律候
行宜表陰陽運不欺氣薰灰琯驗數劫卦辭推六律文明
序三年理暗移當知歲功立唯是奉無私

同前

許稷

玉曆窮三紀推為積閏期月餘因妙筭歲徧自成時乍覺

年華改翻憐物候遲六旬知不惑四氣本無欺月桂虧還
正階莫落復滋從斯分曆象共仰定毫釐

同前

杜周士

得閏因貞歲吾君敬授時體元承夏道推曆法堯咨直取
歸餘改非如再失欺葭灰初變律斗柄正當離寒暑功前
定春秋氣可推更憐幽谷羽鳴躍尚須期

同前

徐至

積數歸成閏羲和職舊司分銖標斗建盈縮正人時節候
潛相應星辰自合期寸陰寧越度長曆信無欺定向銅壺
辨還從玉律推高明終不謬委鑑本無私

同前

樂伸

聖代承堯曆恒將閏正時六旬餘可借四序應如期分至
寧愆素盈虛信不欺斗杓重指甲灰琯再推離羲氏兼和
氏行之又則之願言符大化永求作元龜

玉燭平字

員南溟

曆象璿璣正休徵玉燭明四時佳氣滿五緯太階平律呂
風光至煙雲瑞色呈年和知歲稔道泰喜秋成寰海皇恩
被乾坤至化清自憐同野老帝力詎能名

新陽改故陰

紇干諷

律管才推候寒郊忽變陰微和方應節積慘已辭林暗覺
餘澌斷潛驚麗景侵禁城佳氣換北陸翠煙深有截知遐
布無私荷照臨韶光如可及鸞谷免幽沉

迎春東郊

張濯

顓頊時初謝勾芒令復陳飛灰將應節賓日已知春考曆
明三統迎祥受萬人衣冠宵執玉壇墀曉清塵肅穆來東
道回環拱北辰仗前花待發旂處柳凝新雲欽黃山際水
開素滻濱聖朝多慶賞希為薦沉淪

同前

王綽

玉管潛移律東郊始報春鑿輿膺寶運天仗出佳辰睿澤
光時輦恩輝及物新虬螭動旌旆煙景入城闈御柳初含
色類詩作龍池漸啓津誰憐在陰者得與蟄蟲伸

東郊迎春

皇甫冉

曉見蒼龍駕東郊春已迓綵雲天仗合玄象太階平佳氣

山川秀和風政令行鈎陳霜騎肅御道雨師清律向韶陽
變人隨草木榮遙歡上林苑今日遇遷鶯

立春

冷朝陽見雜

玉律傳佳節青陽應北辰土牛呈歲稔綵鷲表年春臘盡
星廻次寒餘月建寅風光行處好雲物望中新流水初銷
凍潛魚欲振鱗梅花將柳色偏思越鄉人

春從何處來

白行簡

欲識春生處先從木德來入門潛報柳度嶺暗驚梅透雪
銀花散消冰水鑑開曉迎郊祀發夜逐斗杓廻淑氣空中
變新聲曲裏類詩作催偏能調律呂應是候陽臺

長安早春

杏靄三春色先從帝里芳折楊猶恨短測景已忻長鸞和
紅樓樂花連紫禁香躍魚驚太液佳氣接温湯風送飛珂
響塵蒙翠輦光熙熙晴煦遠徒欲奉堯觴

同前

張子容

開國移東井城池對北辰咸歌太平日共樂建寅春雪盡
黃山樹冰開黑水津草迎金埒馬花伴玉樓人鴻漸看無
數鸞遷聽欲頻何當桂枝濯還及柳條新

春色蒲皇州

沈亞之

何處春歸一作輝好偏宜在雍州花明夾城道柳暗曲江頭
風軟遊絲重光融瑞氣浮鬪鷄憐短草乳鷺傍高樓繡轂
盈香陌新泉溢御溝一作廻行一作廻看日欲暮廻騎似川流

同前

滕邁

類詩作

鶉鶉復悠悠春歸十二樓最明雲裏闕先蒲日邊州色媚
青門外光搖紫陌頭上林榮舊樹太液鏡新流類詩作暖
帶祥煙起清一作晴添瑞景浮陽和如啓蟄從此事芳遊

同前

裴夷直

寒銷山水地春遍帝王州北闕晴光動南山喜氣浮天紅
粧暖樹急綠走陰溝思婦開香閣王孫上玉樓氛氲直城
北駘蕩曲江頭今日靈臺下翻然却是愁

同前

封敖

帝里春光正葱龍喜氣浮錦鋪仙禁側鏡寫曲江頭紅萼
開蕭閣黃絲拂御樓千門歌吹動九陌綺羅遊日近風先

蒲仁深澤共流應非顛悴質辛苦在神州

同前

張嗣初

何處年華好皇州淑氣勻韶陽潛應律草木暗迎春柳變
金堤畔蘭抽曲水濱輕黃垂輦道微綠映天津麗景浮丹
闕晴光擁紫宸不知幽遠地今日幾枝新

夏首猶清和

張律

類詩作
黎逢

早夏宜初景和光起禁城祝融將御節炎帝啓朱明日送

殘花晚

類詩作日
映林花麗

風過

類詩作
風高

御苑清郊原浮麥氣池沼

發荷英樹影臨山動

類詩作
山爽

禽飛入漢輕幸逢堯禹化全

勝谷中情

文苑英華卷第一百八十一

文苑英華卷第一百八十二

詩三十二

省試三

州府
試附

青雲千呂四首

白雲起封中二首

立春日曉望三素雲二首

春雲三首

山出雲四首

南至日太史登臺書雲物二首

華山慶雲見一首

上黨奏慶雲見一首

梢雲一首

寒雲輕重色一首

白雲向空盡一首

望禁門松雪一首

都堂試貢士日慶春雪三首

望終南春雪一首

春雪映早梅一首

牆陰殘雪一首

早春殘雪二首

春雨如膏一首

清露被臯蘭一首

宿煙含白露一首

風草不留霜一首

白露為霜二首

薦冰五首

府試水始冰一首

履春冰二首

觀藏冰一首

青雲干呂

林藻類詩作吳泌

應節偏干呂亭亭在紫氛綴雲初度類詩作綴空初布影捧日已

成文結蓋祥光迥為樓類詩作翠色分還同起封上更似

出橫汾作瑞來藩國呈形表聖君徘徊如有託類詩作誰知有謂

道比閑雲

同前

令狐楚

郁郁復紛紛青霄干呂雲色令天下見候向管中分遠覆

無人境遙彰有德君瑞容驚不散冥感信稀聞湛露羞依

草南風耻帶薰恭惟漢武帝餘烈尚氛氲

同前

王履貞

異方占瑞氣干呂見青雲表聖興中國來王見六君類詩

大迎祥殊大樂叶慶類橫汾自感明時起非因觸石分映

霄難辨色從吹乍成文湏使留一作流千載垂芳在典墳

同前

彭伉

祥輝上千呂郁郁又紛紛遠示無為化將明至道君勢凝

千里靜色向九霄分已見從龍意寧知觸石文狀煙殊散

漫捧日更氛氲自使來賓國西瞻仰瑞雲

白雲起封中

張嗣初

英英白雲起呈瑞出封中表聖寧因地逢時豈待風浮光
彌皎潔流影更冲融自叶堯年美誰云漢日同金泥光乍
掩玉檢氣潜通欲與非煙並亭亭不散空

同前

李正辭類詩作陳希烈

千年泰山頂雲起漢皇封不作奇峯狀寧分觸石容為霖
雖易得表聖自難逢冉冉排空上依依疊影重素光非曳
練靈貺是從龍豈學無心出東西任所從

立春日曉望三素雲

李季何貞元十一年見雜詠

靄靄青春曙飛仙駕五雲滂汗輪初縹緲古今共用此二字或疑韻書不收

字遂改作承蓋下氛氲薄影隨風度殊容向日分羽毛紛

共遠環珮杳猶聞靜合煙霞色遙將鸞鶴群年年瞻此御

應許從元君

同前

陳師穆

晴曉仲疑春日高心望素雲彩光浮玉輦紫氣隱元君縹

緲中天去逍遙上界分鸞驂攀不及仙吹遠難聞禮候於

斯覩明循二字疑在解紛人歸懸想處霞色自氛氲

同前

李應

玄鳥初來日靈仙望處雜詠作裏分水容朝上界玉輦擁朝雲

碧落流輕豔紅霓間彩文帶煙時縹緲向斗更氛氲髮髻

隨風馭迢迢出曉雲茲辰三見後希得從元君

春雲

鄧倚

搖曳自西東依林又逐風勢移青道裏影泛綠波中夕霽
方明日朝陽復蔽空度關隨去馬出塞引歸鴻色任寒暄
變光將遠近同爲霧如見用還得助成功

同前

焦郁

漫漫天崖色乘春四望平不分殘照影何處斷鴻聲繚繞
先經塞霏微近過城因風低未歛帶雨重還輕干呂知時
泰如膏候歲成小儒同品物無以荅皇明

同前

裴澄

漠漠復溶溶乘春任所從映林初展葉觸石未成峯旭日
消寒翠晴煙點淨容霏微將似滅深淺又如重薄彩臨溪

散輕陰帶雨濃空餘負樵者嶺上自相逢

山出雲

陸暢

靈山蓄雲彩紛郁出清晨望樹繁花白看峯小雪新映松
張蓋影依澗布魚鱗高似從龍處低如觸石頻濃光藏半
岫淺色類飄塵玉葉開天際遙憐占早春

同前

張復

山靜雲初吐霏微觸石新無心離碧岫有葉占青春散類
如虹氣輕同不讓塵陵空還似翼映澗欲成鱗異起臨汾
鼎疑隨出峽神爲霖終濟旱非獨降賢人

同前

李紳

杳靄祥雲起飄颻翠嶺新瑩峯開石秀吐葉間松春林靜

翻空火山明度嶺頻迴崖時掩鶴幽澗或隨人姑射朝疑
雪陽臺晚伴神悠悠九霄上應坐玉京賓

同前

張勝之

片雲初出岫孤迥色難親蓋小辭山近根輕觸石新飄飄
經綠野明麗照晴春拂樹疑舒葉臨流似結鱗從龍方有
感捧日豈無因看取為霖去恩霑雨露均

南至日太史登臺書雲物

裴達

圓丘纔展禮佳氣近初分太史方

一作新

簪筆高臺起

一作紀

彩雲天容

一作煙空

和縹緲曉色共氛氲道泰資賢輔年豐荷

聖君恭惟同

一作司

國瑞兼用察人

一作天

文應念懷鉛客終

朝望碧霄

一作雜詠

同前

于尹躬

至日行時令登臺約禮文官稱伯趙氏色辨五方雲晝漏
聽初發陽光望漸分司雜詠天為歲備持簡出人群惠愛
周微物生靈荷聖君長當有嘉瑞郁郁復紛紛

華山慶雲見

聖主祠名岳高風發慶雲金柯初繚繞玉葉漸氛氲氣色
含珠日光明吐翠霧依稀來鶴態髣髴列仙群萬樹流光
影千潭寫錦文蒼生忻有望祥瑞在吾君

上黨奏慶雲見

李紳

飛龍久馭宇真氣尚興雲五色傳嘉瑞千齡表聖君從風
忽蕭索依漢更氛氲影徹天初霽光鮮日未曛表祥近自

遠類詩作垂化聚還分寧作無依者空傳陶令文

梢雲

羅讓類詩作

殊質資靈貺陵空發瑞雲梢梢含樹彩類詩作郁郁動霞

文不比因風起全非觸石分葉光閑泛灑枝杪靜氛氲隱

見心無宰徘徊慶自君翻飛如可託長願在橫汾

寒雲輕重色

張仲素

佳期當可許託思望雲端鱗影朝猶落繁陰暮自寒因風

方嫋嫋間石已漫漫隱映看鴻度霏微覺樹攢凝空多似

黛引素乍如紈每向愁中覽含毫欲狀難

白雲向空盡

周存類詩作

白雲生遠岫搖曳入晴空乘化隨舒卷無心任始終欲銷

仍向日類詩作將斷或因類詩作風勢薄飛難定天高色

易窮影收元氣表光滅太虛中况若從龍去一作還施潤

物功類詩作儻若從龍去還施濟物功

望禁門松雪

王涯

宿雲開霽景佳氣此時濃瑞雪凝清禁祥煙暮小松依稀

鴛瓦出隱映鳳樓重金闕晴光照瓊枝瑞色封葉鋪全類

玉柯偃乍疑龍詎比寒山上風霜老昔容

都堂試貢士日慶春雪

李衢

錫瑞來豐歲旌賢入貢辰輕搖梅共笑飛嫋柳知春遶砌

封瓊屑依階噴玉塵蟬蛸吟更古科斗映還新鶴吹疑迷

難辨冰壺鑒易真因歌大君德率舞詠陶鈞

同前

李景

密雪分天路群才坐粉廊
靄空迷晝景臨宇借寒光似暖
花消地無聲玉滿堂
灑詞偏誤曲留硯忽因方幾處
曹風比何人謝賦長春暉
早相照莫滯九衢芳

同前

李損之

春雪晝悠颺飄飛試士場
綴毫疑起草沾字共成章
匝地如鋪練凝階似截肪
鵝毛縈樹合柳絮帶風狂
息疫方殊慶豐年已報祥
應知郢上曲高唱出東堂

望終南春雪

李子卿

山勢抱西秦初年瑞雪頻
色搖鶉野霽影落鳳城春
晶耀瓊一作輝峯逼晶明玉樹親
尚寒由氣勁不夜為光新

岫全疑近崑丘宛合隣
餘輝儻可借迴照讀書人

春雪映早梅

庾敬休

清晨疑雪彩新候變庭梅
樹愛春榮徧窻驚曙色催
寒光添粉壁積潤履青苔
分明六出瑞隱映幾枝開
聞笛花疑落揮琴興轉來
曲成非寡和長使思悠哉

墻陰殘雪

可頻瑜

積雪還因地墻陰久尚殘
影添斜月白光借夕陽寒
皎潔開簾近清熒步履看
狀花飛着樹如玉不成盤
冰薄方寧及霜濃比亦難
誰憐高卧處歲暮嘆袁安

早春殘雪

裴乾餘

霽日彫瓊彩幽庭減夜寒
梅飄餘片積日墮晚光殘
零落

偏依桂霏微不掩蘭陰林披霧縠一作小沼破冰盤曲檻
霜凝砌踈篁玉碎竿已聞三徑好猶可訪袁安

同前

施肩吾

春景照林巒玲瓏雪影殘井泉添碧甃藥圃洗朱欄雲路
迷初醒書堂映漸難花分梅嶺色塵滅玉塔寒遠稱棲松
鶴高宜點露盤佇逢春律後陰谷始堪看

春雨如膏

喻鳧

暮暮歛輕塵濛濛濕野春細光添柳重幽點濺花勻慘淡
游絲景陰沉落絮辰翅低飛飛蝶翅寒滴語禽身洒岳摧餘
雪吹江疊遠蘋東城與西一作陌晴後趣何新

清露被皋蘭

孫顧

九皋蘭葉茂八月露花清稍與秋陰合還將曉色并向空
羅細影臨水泫微明的皪添幽興芊綿動遠情夕芳人未
採初降鶴先驚爲感生成惠心同葵藿傾

宿煙含白露

杳杳有新意微微曙色幽露含踈月靜光與曉煙浮廻野
遙凝素空林望已秋着霜寒未結疑葉滴還流比玉偏清
潔如珠詎可收徘徊阡陌上瞻想但淹留

風草不留霜

王景中

繁霜當永夜寒草正驚風飄素衰蘋末流光晚蕙叢悠揚
方泛影皎潔却飛空不定離披際難疑翳蒼中低昂閑散
質肅殺想成功獨感玄暉詠依依此夕同

白露為霜

顏粲

悲秋將歲晚繁露已成霜徧渚蘆先白露籬菊自黃應鍾
鳴遠寺擁鴈度三湘氣逼襦衣薄寒侵宵夢長滿庭添月
色拂水歛荷香獨念蓬門下窮年在一方

同前

徐敞

早寒青女至零露結為霜入夜飛清景凌晨積素光駟星
初晷替葭莢復蒼蒼色冒沙灘白威加木葉黃鮮輝襲紈
扇殺氣掩干將葛屨那堪履徒令君子傷

薦冰

鮑溶

西陸宜先啓春寒寢廟清曆官分氣候天子薦精誠已辨
瑤池色如和王珮鳴禮餘神轉肅曙後月殘明雅合冰容

潔非同雪體輕空憐一掬水珍重此時情

同前

趙蕃

仲月開凌室齊心感聖情寒姿分玉坐皎質發丹楹積素
因風壯虛空向日明遙涵窓戶冷近映冕旒清在掌光逾
澈當軒質自輕良辰方可致由此表精誠

同前

盧鈞

薦冰朝日後闢廟曉光清不改晶熒質能彰雨露情且無
霜比耀豈與水均明在捧搥寒色當呈表素誠凝姿陳俎
豆浮彩映瓊珩皎皎盤盂側稜稜嚴氣生

同前

范傳質

乘春方啓閉羞獻有常程潔朗寒光徹輝華素彩明色凝

霜雪靜影照晃旒清肅肅將崇禮競競示捧盈方圓陳王
座小大表精誠朝覲當西陸桃弧每共行

同前

陳至

凌寒開固冱寢廟致精誠色靜澄三酒光寒肅兩楹形鹽
非近進玉豆爲潛英禮自春分展堅從北陸成藉茅心共
結出鑑水漸明幸得來觀薦靈臺一小生

府試水始冰

馬戴

南池寒色動北陸歲陰生薄薄沆澌聚澹澹集作微微翠漱平

暗霑霜稍厚廻照日還輕乳竇懸殘滴湘流減恨聲即堪
金井貯會映玉壺清潔白心誰識空期飲此明

履春冰

張蕭遠

一步一愁新輕輕恐陷人薄光全透日殘色半消春蟬想
行時翼魚驚踏處鱗底虛難動足岸闊怯廻身豈暇躊躇
久寧容顧眄願將矜慎意從此越通津

同前

舒元興

投跡清冰上疑光動早春兢兢愁陷履步步怯移身鳥照
微生水狐聽或過人細遷形外影輕躡鏡中輪咫尺憂徧
遠危疑懼已頻願堅容足分莫使獨驚神

觀藏冰

張彙征

寒氣方窮律陰精正結冰體堅風帶壯影素月臨凝冬賦
凌人掌春期命婦昇鑿來壺色澈納處鏡光燈魯史魯流
問幽詩舊見稱同觀里社享王道頌還興

文苑英華卷第一百八十二

文苑英華卷第一百八十三

詩三十三

省試四

州府試附

風光草際浮五首

春風扇微和九首

風不鳴條六首

景風扇物一首

清風戒寒二首

冬至日祥風應候一首

八風從律一首

春風扇微和一首

河出榮光二首

洛出書四首

秋霽望廬山瀑布一首

涇渭揚清濁一首

春水綠波一首

四水合流一首

海水不揚波一首

空水共澄鮮一首

曲池絮寒流一首

寒流聚細文一首

奉詔漲曲江池一首

昆明池石織女一首

濟川用舟楫一首

天際識孤舟一首

風光草際浮

裴杞

澹蕩和風至芊綿碧草長徐吹遙撲翠半偃乍浮光葉似
翻宵露藜疑扇夕陽逶迤明曲渚照耀滿廻塘白芷生還
暮崇蘭泛更香誰知攬結處含思向餘芳

同前

張復元

織織春草長遲日度風光
羅靡含新彩霏微籠遠芳
殊姿媚原野佳色滿池塘
寂好垂清露偏宜帶艷陽
淺深浮嫩綠輕麗拂餘香
好助鸞遷勢乘時翼便翔

同前

陳璣

春風泛瑤草九日遍神州
已向花間積還來葉上浮
曉光緣圃麗芳氣滿街流
澹蕩依朱萼颺颺帶玉清
向空看轉媚臨水見彌幽
况被崇蘭色王孫正可遊

同前

吳秘

草色春沙裏風光曉正幽
輕明搖不散郁昱麗仍浮
吹緩苗難轉暉閑葉本柔
碧疑烟彩入紅是日華流
耐可披襟對誰應滿掬收
恭聞掇芳客爲此尚淹留

同前

陳枯

秀發王孫草春生君子風
光搖低偃處影散艷陽中
稍稍移蘋末微微轉蕙叢
浮煙傾綠野遠色澹晴空
泛彩池塘媚含芳景氣融
清暉誰不揖幾許賞心同

春風扇微和

陳九流

喜見陽和至遙知橐籥功遲遲散南陌裊裊逐東風暗入
芳畦一作園裏潛吹草木中蘭蓀纔有綠桃杏未成紅已覺
寒光盡還看淑氣通由來榮與悴今日發應同

同前

張彙

木德生和氣微微入曙風暗催南向葉漸翦北歸鴻澹蕩
侵水谷悠揚轉蕙蓼拂塵迴廣路泛瀨過遙空暖上煙光
際雲移律候中扶搖如可借從此戾蒼穹

同前

范傳正

曖曖當遲日微微扇好風吹搖新葉上光動淺花中澹蕩
凝清晝氤氳暖碧空稍看生綠水已覺散芳藂徒倚情偏

適徘徊賞未窮妍華不可狀竟夕氣融融

同前

陳通方

習習和風扇悠悠淑氣微陽升知候改律應喜春歸池柳
晴初折林鷺暖欲飛川原浮彩翠臺館動光輝泛豔搖丹
闕揚芳入粉闌發生當有分枯朽幸因依

同前

柳道倫

青陽初入律淑氣應春風始辨梅花裏俄分柳色中依微
開夕一作曉照澹蕩媚晴空拂水生蘋末經巖觸桂蓀稍抽
蘭葉紫微吐杏花紅願逐仁風布將裨生植功

同前

崔立之

時令忽已變年光俄又春高低惠風入遠近芳氣新靡靡

纔偃草冷冷不動塵溫和乍扇物煦嫗偏感人去出桂林
漫來過薰圃頻晨輝正澹蕩披拂長相親

同前

郭遵

微風飄淑氣散漫及茲晨習習何處至熙熙與春親暖空
看早辨映日度逾頻高拂非煙雜低隨衆卉新霽天輕有
靄綺陌盡無塵還似登臺意元和欲煦人

同前

豆盧榮

春晴生縹緲軟吹和初遍池影動瀟淪山容發葱蒨遲遲
入綺閣習習流芳甸樹杪颺鸞啼堦前落花片韶光恐閑
放旭日宜遊宴文客拂塵衣仁風願迴扇

同前

邵偃

微風扇和氣韶景共芳晨始見郊原綠旋過御苑春三條
開廣陌八水汎通津煙動花間葉香流馬上人逶迤雲彩
曙嘹唳鳥聲頻為報東堂客明朝桂樹新

風不鳴條

盧肇

習習和風至過條不自鳴暗通青律起集作遠望白蘋生

拂樹花仍落經林鳥自一作驚幾牽蘿蔓動潛惹柳絲輕

入谷迷松響一作幽澗開一作窓失竹聲薰絃方在御萬

國仰皇情

同前

姚鵠

吾君理化清上瑞報昇平曉吹何曾息柔條自不鳴花香
知暗度柳色覺潛生只見低垂勢那聞擊觸聲大王初溥

文苑英華 八百六十三卷

四

朱

暢少女正輕盈幸遇無私力幽芳願發榮

同前

黃頗類詩作舒元輿

五緯類詩作起祥颺無聲瑞聖朝稍開合露藥類詩作露萼纒

轉惹煙條密葉應潛變類詩作潛長低枝幾暗搖林間鷺欲轉

花下蝶微飄初滿綠堤草因生逐水苗太平無一事天外

奏虞韶類詩作雲韶

同前

左牢類詩作章孝標

旭日懸清景微風在綠條入松聲不發過柳影空搖長養

應潛變一作扶疎每暗飄有林時嫋嫋無樹漸蕭蕭誤逐

青煙散輕和樹色饒豐年知有待歌詠美唐堯

同前

王甚夷

聖日祥風起韶暉助發生蒙蒙遙野色裊裊細條輕在弱

看漸動怡和吹不鳴枝含餘霞濕林霽曉煙平縹緲春光

媚悠揚景氣晴康哉帝堯代寰宇共澄清

同前

金厚載

寂寂曙風生遲遲散野輕露華搖有滴林葉裊無聲暗剪

藂芳發空傳谷鳥鳴悠揚韶景靜淡蕩霽煙橫遠水波瀾

息荒郊草樹榮吾君垂至化萬類共澄清

景風扇物

張聿

何處青蘋末呈祥起遠空曉來搖草樹輕度淨塵蒙類詩作輕

去動渥濛水上微波動林前媚景通寥天鳴萬籟蘭徑長幽藂

漸颺搏扶勢應從橐籥中類詩作籥功開襟若有日願覩大王

風

清風戒寒

蕭颯清風至悠然發思端入林翻別葉繞樹敗紅蘭曉拂
輕霜度宵分遠籟攢稍依簾隙靜遍覺座隅寒乍逐驚蓬
振偏催急漏殘遙知洞庭水此夕起波瀾

同前

穆寂

風清物候殘蕭灑報將寒掃得天衢靜吹來眼界寬條鳴
方有異蟲思亂無端就樹收鮮膩衝池起澁瀾過山嵐可
掬度月色宜看華實從茲始何嗟歲序殫

冬至日祥風應候

前人見雜

節逢清景空占氣二儀中獨喜登臺日先知應候風呈祥

光舜化表慶感堯聰既一作况與乘時叶還將入律同微微
萬井遍習習九門通更繞爐煙起殷勤報歲功

八風從律

蔣防

製律窺元化因聲感八風還從萬籟起更與五音同習習
爐烟類詩作蘆灰上冷冷玉管中氣隨時物好響徹霽天空白
得陰陽順能令惠澤通願吹寒谷裏從此達前蒙

春風扇微和

公乘億咸通

麗日催遲景和風扇早春暖浮丹鳳闕韶媚黑龍津澹蕩
迎仙仗霏微送畫輪綠搖宮柳散紅待禁花新舞席潛廻
雪歌筵暗起塵幸當陽候律一願及佳辰

河出榮光

張良器

引派崑山峻朝宗海路長千齡逢聖主五色瑞榮光隱映
浮中國晶明助太陽坤維連浩漫天漢接微茫丹闕清氛
裏函關紫氣旁位尊常守伯道泰每呈祥習坎靈逾久居
卑德有常龍門如可涉忠信是舟梁

同前

符命自陶唐吾君應會昌千年清德水九折滿榮光極岸
浮佳氣微波照夕陽澄輝明貝闕散彩入龍堂近帶關雲
紫遙連日道黃馮夷矜海若漢武貴宣房漸沒孤槎影仍
呈一葦杭撫躬悲未濟作頌喜時康

洛出書

蕭昕

海內昔凋瘵天綱斯淳濶龜靈啓聖圖龍馬負書出大哉
明德盛遠矣彝倫秩地敷作乂功人免爲魚恤旣彰千國
理豈止百川溢永賴至于今疇庸未云畢

同前

郭邕

德合天既呈龍飛聖人作光宅被寰區圖書薦河洛象登
四氣順文闢九疇錯氤氲瑞彩浮左右靈儀廓微造功不
宰神行利攸傳一見皇家慶方知禹功薄

同前

張欽敬

浮空九洛水瑞聖千年質竒象八卦分圖書九疇出含微
卜筮遠抱數陰陽密中得天地心傍探鬼神吉昔聞夏禹
代今獻唐堯日謬此叙彝倫寰宇賀清謐

同前

叔孫玄觀

清洛含溫溜玄龜薦寶書波開綠字出瑞應紫宸居物著
羣靈首文成列卦初美珍翔閣鳳慶邁躍舟魚俾奴惟何
遠休皇復在諸東都主人意歌頌望乘輿

秋霽望廬山瀑布

夏侯楚

常思瀑布幽晴眺喜逢秋一帶連青嶂千尋倒碧流濕雲
應悞鶴翻浪定驚鷗星浦虹初下爐峯煙未收巖高時裏
裏天淨起悠悠儻見朝宗日還須濟巨舟

涇渭揚清濁

呂牧

涇渭橫秦野逶迤近帝城二渠通作潤萬戶映皆清明晦
看殊色潺湲聽一聲岸虛深草掩波動曉煙輕御獵思投
釣漁歌好濯纓合流知禹力同共到滄瀛

春水淥波

朱休

芳時淑氣和春水澹煙波滉漾滋蘭杜淪漣長芰荷晚光
扶翠漱潭影瀉清莎歸鴈追飛盡纖鱗游泳多朝宗終到
海潤下每盈科願假中流便從茲發棹歌

四水合流

李沛

禹鑿山川地因通四水流縈迴過鳳闕會合出皇州天影
長波裏寒聲占疑渡頭入河無晝夜歸海有謙柔順物宜
投石逢時可載舟羨魚猶未已臨水欲垂鈎

海水不揚波

明朝崇大道寰海免波揚既合千年聖能安百谷王天心
隨澤廣水德共靈長不撓魚彌樂無瀾葦可杭化流霑率

土恩寢及殊方豈只朝宗國惟聞有越裳

空水共澄鮮

悠然四望通渺渺水無窮海鶴飛天際煙林出鏡中雲霄
澄遍碧霞起澹微紅落日浮光滿遙山翠色同樵聲喧竹
與棹唱入蓮蓼遠客舟中興煩襟暫一空

曲池潔寒流

崔立之

閑尋欹岸步因向曲池看透底何澄澈迴流乍屈盤稍隨
高樹古迥與遠天寒月入鏡華轉星臨珠影攢纖鱗時蔽
石轉吹或生瀾願假涓微效來濡拙筆端

寒流聚細文

曉野方閑眺橫溪賞亂流寒文趨浦急圓折逐煙浮不期

飄疎雨非關浴遠鷗觀魚鱗共細間石影疑稠獵獵風冷

夕潺潺瀨響秋仙槎如共泛天漢適淹留

奉詔

集作試

漲曲江池

鄭谷

乾符丙申歲春

王澤尚通津恩波此日新深宜一夜雨遠

集作宛

似五湖春

泛濫翹振鷺澄清躍紫鱗翠低孤

集作葉低臨

與柳香失半汀

蘋鳳輦尋佳境龍舟命近臣桂華如入手願作從遊人

昆明池石織女

童翰卿

又云司馬復

一片昆池石千秋織女名象星何皎皎依水更盈盈苔作
輕裾色波為促杼聲岸雲連鬢濕沙月對眉生有臉蓮同
笑無心鳥不驚還如朝鏡裏形影兩分明

濟川用舟楫

胡權

渺渺水連天歸程想幾千孤舟辭曲岸輕檝濟長川迥指
波濤雪迴瞻島嶼煙心迷滄海上目斷白雲邊泛濫雖無
定維持且自專還如聖明代理國用英賢

天際識孤一作舟

薛能

斜日滿江樓天涯照背流同人在何處遠目認孤舟帆省
當時席歌聞舊日謳人浮津濟晚棹泛沉寥秋晴闊欣全
見歸遲恹久遊離居意無限貪此望難休

文苑英華卷第一百八十三

文苑英華卷第一百八十四

詩三十四

省州五州府試附

釋奠日國學觀禮聞雅頌二首

貢舉人謁先師聞雅樂二首

太常寺觀舞聖壽樂一首

冊上公太常奏雅樂一首

曉過南宮聞太常清樂二首

太常觀閱驃國新樂一首

郊壇聽雅樂一首

舞千羽兩階一首

朱絲絃一首

夫子鼓琴得其人一首

夜聞洛濱吹笙一首

緱山月夜聞王子晉吹笙二首

湘靈鼓瑟五首

霓裳羽衣曲一首

寒夜聞霜鐘二首

曉聞長樂鍾聲一首

聽霜鍾二首

律中應鍾一首

笙磬同音一首

范成君擊洞陰磬一首

終南精舍月中聞磬二首

泗濱得石磬一首

風箏一首

聽郢客歌陽春白雪一首

尚書郎上直聞春漏三首

雪後觀象闕待漏一首 太清宮聞滴漏一首

百官乘月早朝聽殘漏一首

春臺晴望二首

釋奠日國學觀禮聞雅頌

滕珣

太學時觀禮東方曉色分威儀何棣棣環珮又紛紛古樂
從空盡清歌幾處聞六和成遠吹九奏動行雲聖上尊儒
樂春秋奠茂勲幸因陪齒列聊以頌斯文

同前

令狐岍

肅肅先師廟依依胄子群滿庭陳舊禮開戶拜清芬萬舞
當華燭簫韶入翠雲頌歌侵曉聽雅吹度風聞澹泊調元
氣中和美聖君惟餘東魯客蹈舞向南薰

貢舉人謁先師聞雅樂

呂昫

禮聖來群彥觀光在此時聞歌音乍遠合樂和還遲調朗

能借竹聲微又契絲輕冷流篔簹繚繞動纓綬九變將隨
節三終必盡儀國風由是正王化自雍熙

同前

王起

藹藹觀光士來同鵠鷺群鞠躬遺像在稽首雅歌聞度曲
飄清漢餘音過曉雲兩楹淒已合九仞杳難分斷續同清
吹洪纖入紫氛長言聽已罷千載仰斯文

太常寺觀舞聖壽樂

徐元弼

舞字傳新慶人文邁舊章冲融和氣洽悠遠聖功長盛德
流無外明時樂未央日華增顧眄風物助低昂翥鳳方齊
首高鴻忽斷行雲門與茲曲同是奉陶唐

朋上公太常奏雅樂

司樂陳金石逶迤引上公奏音人語絕清韻珮聲通應律
煙雲改來儀鳥獸同得賢因舉頌脩禮便觀風聖壽三種
內天歡九奏中寂寥高曲盡猶自滿宸聰

曉過南宮聞太常清樂

陸贄

南宮聞古樂拂曙聽初驚煙靄遙迷處絲桐暗辨各節隨
新律改聲帶緒風輕合雅將移俗同和自感情遠音兼曉
漏餘響過春城九奏明初日寥寥天地清

同前

張濠

玉珂經禮寺金奏過南宮雅調乘清曉飛聲向遠空慢隨
飄去雪輕逐度來風迥出重城裏傍聞九陌中應將肆夏
比更與五英同一聽南薰曲因知大舜功

太常觀閱騾國新樂

胡直鈞

異音來騾國初被奉常人纔可宮商辨殊驚節奏新轉規
廻繡面曲折度文身舒散隨鸞吹喧呼雜鳥春襟祗懷舊
識絲竹變恒陳何事留中夏長令表化淳

郊壇聽雅樂

泰壇恭祀事彩仗下寒垆展禮陳嘉樂齊心動衆靈韻長
飄更遠曲度靜宜聽泛響何清越隨風散杳冥微懸和氣
聚旋退曉山青木自鈞天降還疑列洞庭

舞千羽兩階

石倚

千羽能柔遠前階舞正陳欲稱文德盛先表樂聲新肅肅
行初列森森氣益振動容和律呂變曲靜風塵化美超千

古恩波及七旬已知天下服不獨有苗人

朱絲絃

楊衡

寂寞瑤琴上深知直者情幸傳朱鷺曲那止素絲名瑞草
人空仰王言世久行大方聞正位樂府動清聲文武音初
合宮商調屢更誰能向機杼終日泣無成

夫子鼓琴得其人

白行簡

宣父窮玄奧師襄授素琴稍殊流水引全辨聖人心慕德
聲逾感懷人意自深泠泠傳妙手撼撼振空林促調清風
至操絃白日沉曲終情不盡千古仰知音

夜聞洛濱吹笙

張仲素

王子千年後笙音五夜聞逶迤繞清洛斷續下仙雲泄泄

飄難定啾啾曲未分松風助幽律波月動輕文鳳管聽何
遠鸞聲若在群暗空思羽益餘氣自氛氲

緱山月夜聞王子晉吹笙

厲玄

緱山明月夜岑寂隔塵氛紫府參差曲清宵次第聞韻流
多入洞聲度半和雲拂竹鸞驚侶經松鶴舞群蟾光聽處
合仙路望中分坐惜千岳曙遺音過汝墳

同前

鍾輅

月滿緱山夜風傳子晉笙初聞盈谷遠漸聽入雲清香異
人間曲遙分鶴上情孤鸞驚欲舞萬籟寂無聲此夕留烟
駕何時返玉京唯愁音響絕曉色出都城

湘靈鼓瑟

魏瓘

瑤瑟多哀怨朱絃且莫聽扁舟三楚客蓼竹二妃靈浙瀝
聞餘響依稀欲辨形柱間寒水碧曲裏暮山青良馬悲銜
草遊魚思繞萍知音若相遇終不滯南溟

同前

錢起天寶十載

善撫一作鼓雲和瑟常聞帝子靈馮夷空自舞楚客不堪聽

逸韻諧一作苦金石清音發一作入杳冥蒼梧來一作成怨慕

白芷動芳馨流水傳湘浦悲風過洞庭曲終人不見江上
數峯青一作皆雜詠

同前

陳季

神女泛瑤瑟古祠嚴野亭楚雲來泱泱湘水助清冷妙指
微幽契繁聲入杳冥一彈新月一作斜日白數曲暮山青調苦

荆人怨時遙帝子靈遺音如可賞試奏為君聽

同前

莊若訥

帝子鳴金瑟餘聲自抑揚悲風絲上斷流水曲中長出沒
遊魚聽透迤彩鳳翔微音時扣徵雅韻乍含商神理誠難
測幽情詎可量至今聞古調應恨滯三湘

同前

王邕

寶瑟和琴韻靈妃應樂章依稀聞促柱髣髴夢新粧波外
聲初發風前曲正長淒清和萬籟斷續繞三湘轉覺雲山
迥空懷杜若芳誰能傳此意雅會在宮商

霓裳羽衣曲

李肱

開元太平時萬國賀豐年梨園獻文粹舊曲玉座流新製

鳳管遞參差霞衣競搖曳宴罷水殿空輦餘春草細蓬壺

事已久仙樂功無替文粹誰肯聽遺音聖明知善繼

寒夜聞霜鍾

鄭綯

霜鍾初應律寂寂出重林拂水宜清聽凌空散迥音春容
時未歇搖曳夜方深月下和虛籟風前聞疑作遠砧淨蕪
寒漏徹閑畏曙更侵遙想千山外泠泠何處尋

同前

盧景亮

洪鍾發長夜清響出層岑暗入繁霜切遙傳古木深何城
亂遠漏幾處雜踈砧已警離人夢仍知旅客襟待時當命
侶抱器本無心儻若無知者誰能設此音

曉聞長樂鍾聲

戴叔倫

漢苑鍾聲早秦郊曙色分霜凌萬戶徹風散一城聞已啓
蓬萊殿初朝鴛鴦群虛心方應物大扣欲干雲近雜鷄人
唱新傳鳧氏文能令翰苑客流聽思氛氳

聽霜鍾

渺渺飛霜夜寥寥遠岫鍾出雲疑斷續入戶乍春容度枕
頻驚夢隨風幾韻松悠揚來不已杳靄去何從髣髴煙嵐
隔依稀巖嶠重此時聊一聽餘響繞千峯

同前

寥亮來豐嶺分明辨古鍾應霜如自擊中節每相從靜聽
非閑扣潛應蘊聖蹤風間時斷續雲外更春容虛警言和清
籟雄鳴隔亂峯因知之一作諭知已一作感激更難逢

律中應鍾

裴元

律窮方數寸室暗在三重伶管灰先動秦正節已逢商聲
辭玉笛羽調入金鍾密葉翻霜彩輕冰斂水容望鴻南去
絕迎氣北來濃願託無凋性寒林自比松

笙磬同音

笙磬聞何處淒鏘宛在東激揚音自徹高下曲宜同歷歷
俱盈耳泠泠遞散空獸因繁奏舞人感至和通詎聞洪纖
韻能齊搏拊功四懸今盡美一聽辨移風

范成君擊洞陰磬

范傳正

歷歷聞金奏微微下玉京爲祥家謀久偏識洞陰名澹佇
人間聽鏗鏘古曲成何須百獸舞自暢九天情注目看無

見留心記未精雲霄如可託借鶴向層城

終南精舍月中聞磬

呂溫

月中一作禪室掩幽徑一作淨昏氛思入空門妙聲從覺

路聞泠泠流衆一作壑杳杳出重一作雲天籟疑難辨霜

鍾詎可分偶來依一作法界便欲謝人群竟夕聽真響荷

花積露文一作塵心一作皆集本

同前

獨孤申叔

精廬慙疑夜景天宇滅埃氛幽磬此時擊餘音幾處聞隨

風樹杪去支策月中分斷絕如殘漏淒清不隔雲羈人方

罷夢獨鴈忽迷群響盡河漢落千山空糾紛

泗濱得石磬

李勣

浮磬潛清深依依呈碧潄出水見貞質在懸含玉音對此

喜還歎幾秋還到今器古契良覲韻和諧宿心何為值明

鑒適得離幽沉自茲入清廟無復泥沙侵

風箏

鮑溶

何響與天通瑤箏挂望中彩絃非觸指錦調忽聞風鴈柱

虛連勢鸞歌且墜空夜和霜擊磬晴引鳳歸桐幽咽誰生

怨清泠自匪躬秦姬收寶匣搔首不成功

聽郢客歌陽春白雪

歐陽衮

寂聽郢中人高歌已絕倫臨風飄白雪向日奏陽春調雅

偏盈耳聲長杳入神連連貫珠並裊裊遏雲頻度曲知難

和凝情想任真周郎如賞善莫使滯芳晨

尚書郎上直聞春漏

張少傅

建禮含香處重城待漏辰徐聲傳鳳闕曉唱辨雞人銀箭
聽將盡銅壺滴更新催籌當五夜移刻及三春杳杳從天
遠泠泠出禁頻直廬殘響曙肅穆對鈞陳

同前

周徹

建禮通華省含香直紫宸靜聞銅史漏暗識桂宮春滴瀝
疑將絕清泠發更新寒聲臨鴈沼踈韻應雞人迴入千門
徹行催五夜頻高臺閑自聽非是駐征輪

同前

地即尚書省人惟鴛鴦行審時傳玉漏直夜遞星郎歷歷
聞仙署泠泠出建章自空來斷續隨穴散淒鏘物靜知聲

近寒輕覺夜長聽餘殘月落曙色滿東方

雪夜觀象闕待漏

張少傅

殘雪初晴後鳴珂奉闕庭九門傳曉漏五夜候晨高北斗
橫斜漢東方落曙星烟氛初動色簪珮未分形雪重猶垂
白山遙不辨青雞人更唱處偏入此時聽

太清宮聞滴漏

嚴巨川

玉漏移中禁齊車入太清漸知催辨色復聽續餘聲乍逐
微風轉時因雜珮輕青樓人罷夢紫陌騎將行殘魄棲初
盡餘寒滴更生慙非朝謁客空有振衣情

百官乘月早朝聽殘漏

莫宣卿

建禮儼朝冠重門耿夜闌碧空蟾魄度清禁漏聲殘候曉

車輿合凌霜劍珮寒星河猶皎皎銀箭尚珊珊杳靄祥光
起霏微瑞氣攢忻逢聖明代長願接駕鸞

春臺晴望

李程

曲臺送春日景物麗新晴靄靄煙收翠忻忻木向榮靜看
遲日上閑愛野雲平風慢遊絲轉天開遠水明登高塵慮
息觀微道心清更有遷喬意翩翩出谷鸞

同前

鄭蕢

追賞層臺迥登臨四望頻熙熙山雨霽颺颺柳條新草長
秦城夕花宜漢苑春晴林翻度鳥紫陌閱行人旅客風塵
厭山家夢寐親遷鸞思出谷塞翥待芳辰

同前

喬弁

層臺聊一望遍賞帝城春風暖聞啼鳥冰開見躍鱗晴山
煙外翠香藥日邊新已變青門柳初銷紫陌塵金湯千里
國車騎萬方人此處雲霄近憑高願致身

文苑英華卷第一百八十四

文苑英華卷第一百八十五

詩三十五

省試六
州府試附

驪龍一首

劍化為龍一首

龜負圖二首

魚上冰三首

臨川羨魚二首

河鯉登龍門二首

鮫人潛織一首

歸馬華山一首

西戎獻馬一首

天驥呈才三首

勅賜三相馬一首

騏驥長鳴二首

儀鳳一首

緱山鶴一首

織鳥一首

鶴驚露一首

鶴鳴九臯一首

齊優開籠飛去所獻楚王鵠二首

黃鵠下太液池一首 越裳獻白翟二首

鷲出谷四首 柳陌聽早鷲一首

禁林聞曉鷲一首 鳥散餘花落三首

空梁落鷲泥一首 好鳥鳴高枝一首

振振鷲一首 飛鴻響遠音一首

出籠鷲一首 霜隼下晴隼一首

反舌無聲一首 雪夜聽猿吟一首

寒蟬樹一首

驪龍

有美為鱗族潛蟠得所從標奇初謚寶表智即稱龍大壑
長千里深泉固九重奮髯雲乍起矯首浪還衝荀氏傳高

響莊生冀絕蹤仍知流淚在何幸此相逢

劍化為龍

張聿

古劍誠難屈精明有所從沉埋方出獄合會却成龍牛斗
光初歇蜿蜒氣漸濃雲濤透百丈水府躍千重拖尾迷蓮
鰐張鱗露錦容至今沙岸下誰得覩玄蹤

龜負圖

詩缺

同前

詩缺

魚上冰

王季則

北陸收寒盡東風解凍初冰消通淺溜氣變躍潛魚應節
似知化揚鬢任所如浮沉非樂藻沿沂異傳書結網時空
久臨川意有餘為龍將可望今日愧才虛

同前

紀元阜類詩作何儒亮

春生寒氣滅

類詩作氣滅

稍動伏泉魚乍喜東風至來觀曲浦

初近冰朱鬣見望日錦鱗舒漸覺流澌退還忻棹尾餘噉

喁情自樂沿泳意寧踈儻得隨鯤化終聽戾太虛

類詩作終能戾

太虛

同前

吳冕

春水潛鱗發寒潭舊藻踈揚鬢順氣後振鬣上冰初戲廣

憐空素浮清媚景虛戒貪還避餌思達每懷書濕映流澌

薄時遊觸浪餘終希泮渙澤為化北溟魚

臨川羨魚

張正元

有客百愁侵求魚正在今廣川何渺漫高岸幾登臨風水

寧相阻煙霞豈憚深不應同逐鹿詎肯比從禽結網非

力忘筌自有心求存芳餌在佇立思沉沉

同前

薛少殷

曾是歸家客今年且未旋遊鱗方有待織網豈能捐向水

煙波夕吟風歲月遷莓苔生古岸葭莢變清川不逐滄浪

叟還宗內外篇良辰難自擲此日願忘筌

河鯉登龍門

年久還求變今來有所從得名當是鯉無點可成龍備歷

艱難遍因期造化容泥沙寧不阻釣餌莫相逢擊浪因成

勢織鱗莫繼蹤若令搖尾去雨露此時濃

同前

集本作魚登龍門

元楨

魚貫終何益龍門在苦登有時常集作作兩無用耻爲鵬
激浪誠難泝雄心庶亦集作憑風雷潛會合鬢鬣忽騰陵
泥滓辭河濁煙霄見海澄迴瞻順流輩誰敢望同昇

鮫人潛織

康翊仁

珠館馮夷室靈鮫信所潛幽閑雲碧牖滉漾水精簾機動
龍梭躍絲縈藕綵添七襄牛女恨三日大人嫌古樂府焦仲卿妻詩
三日斷五匹大人故嫌遲透手擊吳練凝冰笑越繡無因聽札札空想
濯織織

歸馬華山

白行簡

牧野功成後周王戰馬閑驅馳休伏阜飲齧任依山逐日
朝仍去隨風暮自還冰生疑隴坂葉落似榆關躑躅仙峰

下騰驤渭水灣幸逢時偃武不復鼓鞞間

西戎獻馬

周存

天馬從東道皇威被遠戎來參八駿列不假貳師功影別
流沙路嘶流上苑風望雲時蹠足向月每爭雄稟異才難
狀標竒志豈同驅馳如見許千里一朝通

天驥呈材

徐仁嗣

至德符天道龍媒應聖明追風竒質異噴玉彩毛輕躑躅
形難狀連拳勢乍呈効材矜逸態絕影表殊名岐路寧辭
遠關山豈憚行鹽車雖不駕今日亦長鳴

同前

盧征

異產應堯年龍媒順制牽權竒初得地躑躅欲行天詎假

調金埒寧須動玉鞭嘶風深有戀逐日定無前周滿誇常
馭燕昭恨不傳應知流赭汗來自海西偏

同前

鄭賁

毛骨合天經拳竒步驟輕曾邀于闐駕新出貳師營噴勒
金鈴響追風汗血生酒亭留去跡吳坂認嘶聲力可通衢
試材堪聖代呈王良如願盼垂耳欲長鳴

勅賜三相馬

張隨

上苑驊騮出中宮詔命傳九天班錫禮三相代勞年顧主
聲猶發追風力正全鳴珂龍闕下噴玉鳳池前四足疑雲
滅雙瞳比鏡懸爲因能致遠今日表求賢

騏驥長鳴

章孝標

有馬骨堪驚無人眼暫明力疲吳坂峻嘶苦朔風生逐逐
懷良御蕭蕭顧樂鳴瑤池期弄影天路欲飛聲皎月誰知
種浮雲莫問程鹽車終願脫千里爲君行

同前

陳去疾

騏驥忻知已嘶鳴忽異常積悲攄怨抑一舉徹穹蒼迹類
三年鳥心馳五達莊何言從蹇躓今日逐驕驥牛阜休維
繫天衢恣陸梁向非逢伯樂誰足見其長

儀鳳

楊嗣復

八方該帝澤威鳳忽來賓向日朱光動迎風翠羽新低昂
多異趣飲啄迥無隣郊藪今翔集河圖意等倫聞韶知鼓
舞偶聖頤遂巡比屋初同俗垂恩擊壤人

緱山鶴

張仲素

羽客驟仙鶴將飛駐碧山映松殘雪在度嶺片雲還清唳

因風遠高姿間水類詩作閑笙歌應天類詩作上城郭嘆

人間幾變霜毛潔方殊藻質班蓬瀛如可到逸翮詎能攀

織鳥

張何

季春三月裏戴勝下桑來映日華冠動迎風繡羽開候驚

蠶事晚織向女工栽旅宿依花定輕飛遶樹迴欲過高閣

柳更拂小庭梅所寄一枝在寧憂戈者猜

鶴警露

陳季

南國商飈動東臯野鶴鳴溪松寒暫宿露草滴還驚欲有

高飛意空聞召侶情風間傳藻質月下引清聲未假搏扶

勢焉知羽翼輕吾君開太液願得應皇明

鶴鳴九臯

貽化呈仙質長鳴在九臯排空散清唳映日委霜毛萬里

思寥廓千山望鬱陶香凝光不見風積韻彌高鳳侶攀何

及雞群思忽勞昇天如有應飛舞出蓬蒿

齊優開籠飛去所獻楚王鶴

崔樞

受命籠齊鶴交歡獻楚王惠心先巧辯戢羽見迴翔意適

清風遠憂除白日長度雲搖舊影過樹閱新芳直取名翻

重寧唯好不傷誰言滑稽理千載戒禽荒

黃鵠下太液池

賈島集

高飛空外鵠下向禁中池岸印行蹤淺波搖立影危來從

千里島舞拂萬年枝踉蹌孤風起徘徊水沫移幽音清露
滴野性白雲隨太液無彈射靈禽翅不垂

越裳獻白翟

王若岳

素翟宛昭彰遙遙自越裳冰晴朝映日玉羽夜含霜歲月
三年遠山川九譯長來從碧海路入見白雲鄉作瑞興周
后登歌美漢皇朝天資孝理惠化且無疆

同前

孫昌微

聖哲符休運伊臯列上台覃恩丹徼遠入貢素翬來北闕
欣初見南枝顧未迴歛空殘雪淨矯翼片雲開馴擾將無
懼翻飛幸莫猜甘從上苑裏飲啄自徘徊

鷲出谷

錢可復

玉律陽和變時禽羽翮新載飛初出谷一轉已驚人拂柳
宜煙暖衝花覺路春搏風翻翰疾向日弄吭頻求友心何
切遷喬幸有因華林向玉樹棲託及芳晨

同前

張鷟

弱質隨傳匹遷鶯正及春乘風音響遠映日羽毛新已得
辭幽谷還將脫俗塵鴛鸞方可慕鸞雀迥無鄰遊止知難
屈翻飛在此伸一枝如借便終冀託深仁

同前

劉莊物

幸因辭舊谷從此及芳晨欲語如調舌一作求友初飛似畏人
風調歸影便日暖吐聲頻翔集知無阻聯綿貴有因喜遷
喬木近寧厭對花新堪念微禽意關關也愛春

同前

劉得仁

東風潛啓物動息意皆新此鳥從幽谷依林報早春出寒

雖未久振羽漸能頻稍類冲天鶴多隨折桂人罇前喧集作

時有語花裏晝藏身向若一作若在穠華處餘禽不見親

柳陌聽早鶯

陶翰見集本

忽來枝上轉還似谷中聲乍使香閨靜偏傷遠客情間關

難辨處斷續若頻驚玉勒留將久青樓夢不成千門候曉

發萬井報春生徒有知音賞慙非臯鶴鳴

禁林聞曉鶯

陸衰

曙色分層漢鶯聲繞上林報花開瑞錦催柳綻黃金斷續

隨風遠間關送月沉語當温樹近飛覺禁林深繡戶驚殘

夢瑤池轉好音願將棲息意從此沃天心

鳥散餘花落

趙存約

春曉遊禽集幽庭幾樹花坐來驚鳥艷色飛去墮晴霞翅拂

繁枝落風添舞影斜彩雲飄玉砌絳雪下仙家分散音初

靜凋零藥帶葩空階瞻翫久應共惜年華

同前

竇洵直

晚樹春歸後花飛鳥下初參差分羽翼零落滿空虛風外

清疑香轉林邊艷影疎輕盈疑雪舞髣髴似霞舒萬片情

難極遷喬思有餘微臣一何幸吟賞對宸居

同前

孔温業

美景春堪賞芳園白日斜共看飛好鳥復見落餘花來往

驚飈電經過想散霞雨餘飄颻颻風送蒲家家友聲初去
離枝色可咨嗟從茲時節換誰爲惜年華

空梁落鷺泥

顧況

卷幕差池鷺常銜濁水泥爲黏珠履跡未等畫梁齊舊點
痕猶淺新巢緝尚低不緣頻上落那得此飛棲

好鳥鳴高枝

鄭棗

養翮非無待遷喬信自卑影高遲日度聲遠好風隨雲拂
千尋直花催百轉竒驚人時向晚求友聽應知委質經三
歲先鳴在一枝上林如可託弱羽願差池

振振鷺

李頻

有鳥生江浦霜華作羽翰君臣將比潔朝野用爲歡月影

林梢下冰光水際殘飛飈時共樂飲啄道皆安迴翥宜
詠群棲入靜看由來鴛鴦侶濟濟列千官

飛鴻響遠音

李體仁

漠漠微霜夕翩翩出渚鴻清聲流迥野高韻入寥空舊質
經寒塞殘音響遠風縈雲猶類網避月尚疑弓弱羽雖能
振丹霄竟未通欲知多怨思聽取暮煙中

出籠鵲

濮陽瓘

玉鏃分花袖金鈴出綵籠搵心長捧日逸翰鎮生風一點
青霄裏千聲碧落中星眸隨狡兔霜爪落飛鴻每念提携
力常懷搏擊功以君能惠好不敢沒遙空

霜隼下晴臯

九臯霜氣勁翔隼下初晴風動閑雲卷星馳白草平稜稜
方厲疾蕭蕭自縱橫掠地秋毫迥投身逸翮輕高墉全失
影逐雀乍飛聲薄暮寒郊外悠悠萬里情

反舌無聲

張籍

夏木多好鳥偏知反舌名林幽歸舊

仍集作共

宿時過已無

集作

即聲竹外天空曉溪頭雨自晴居人疑

集作宜

寂寞深院益

淒清入霧暗相失當風閑易驚來年上林苑知爾最先鳴

雪後聽猿吟

顧偉

寒巖飛暮雪絕壁夜猿吟歷歷和群鴈寥寥思客心繞枝
猶避箭過嶺却投林風冷聲偏苦山寒響更深聽時無有
定靜裏固難尋一宿扶桑月聊看懷好音

寒蟬樹

沈鵬

一葉初飛日寒蟬益易驚入林慙織細依樹媿身輕大幹
時容息喬枝或借鳴心由飲露淨響為逐風清忝有翻翻
分一作翼應憐噤喚聲不知微薄影早晚掛綏纓

文苑英華卷一百八十五

文苑英華卷一百八十六

詩三十六

省試七 州府試附

明堂火珠一首

沉珠於淵二首

珠還合浦一首

罔象得玄珠一首

濁水求珠三首

暗投明珠三首

水懷珠一首

琢玉成器一首

玉卮無當二首

沽美玉一首

瑕瑜不相掩二首

瑜不掩瑕一首

三水記方流六首

玉聲如樂二首

曼玉有餘聲一首

琢玉二首

水精環一首

亞父碎玉斗三首

美玉一首

西戎獻白玉環一首

白珪無玷一首

金在鎔一首

清如玉壺水二首

玉壺水四首

明堂火珠

崔曙

正位開重屋凌空出火珠夜來霜月滿曙後一星孤天淨
光難滅雲生望欲無還知聖明代國寶在名都

沉珠於淵

唐諱類
詩作泉

獨孤良器

皎潔澄泉水熒煌照乘珠沉非將寶契還與不貪符風折
璿成浪空涵影似浮深看星并入靜向月同無光價憐時
重亡情信道樞不應無脛至自為暗投殊

同前

獨孤綬

至道歸淳朴明珠被棄捐失真來照乘成性却沉泉不是
靈蛇吐猶疑合浦旋岸旁隨日落波底共星懸致遠終無
脛懷貪遂比肩歆知恭儉德所寶在唯賢

珠還合浦

鄧陟

至寶含冲粹清虛映浦灣素輝明蕩漾圓彩色玢璊昔逐
諸侯去今隨太守還影搖波裏月光動水中山魚目徒相
比驪龍乍可攀願將車飾用長得耀君顏

罔象得玄珠

張籍類詩作
黎逢

赤水今何處遺珠已渺然離婁徒肆目罔象乃通玄皎潔
因成性圓明不在泉暗中看夜類詩作
驅夜色塵外照情田無
脛真難掬懷疑寶類詩
作實易遷今朝搜擇得應自一作
媚睛

川

濁水求珠

王起

行潦沉明月光輝也不浮識珍能洞鑒精寶一作此來求
幾被泥沙雜常隨混濁流潤川終自媚照乘且何由的樂
終難掩晶瑩願見收蛇行無脛至飲德已聞酬

同前

呂價

至寶誠難得潛光在濁流深沉當處晦皎潔庶來求綴履
將還用褰裳必更收蚌胎應自別魚目豈能儔日彩逢高
鑒星光詎暗投不因今日取泥滓出無由

同前

王損之

積水非澄澈明珠不易求依稀沉極浦想像在中流

思清淺褰裳恨暗投徒看川色媚空愛夜光浮月入疑龍
吐星歸似蚌遊終希識珍者採掇冀冥搜

暗投明珠

羅泰

媚川時未識在掌共傳名報德能欺暗投人自欲明月臨
幽室朗星沒曉河傾的樂驪龍領榮煌彩鳳呈守恩辭合
浦擅美掩連城魚目應難近誰知按劍情

同前

苑

一作訕文又

至寶欣懷日良茲豈可儔神光非易鑒夜色信難投錯落
珍寰宇圓明隔淺流精靈辭合浦素彩耀神州抱影希人
識承時望帝求誰言按劍者猜忌却生讎

同前

崔藩

至寶一作萬千看懷袖明珠出後疑杖向人光不定離掌勢難
留皎澈虛臨夜孤圓冷瑩秋乍來驚月落疾轉怕星流有
淚其瑕棄無謀自暗投今朝感恩處將欲報隋侯

水懷珠

莫宣卿

長川含媚色波底孕靈珠素魄生蘋末圓規照水隅淪漣
冰彩動蕩漾瑞光鋪迥夜星同貫清秋岸不枯江妃思在
掌海客亦忘軀合浦當還日恩威信已敷

琢玉成器

葉季良

片玉寄幽石紛綸當代名荆人獻始遇良匠琢初成冰映
寒光動虹開晚一作曉色明雅容看更澈餘響扣彌清自與
瓊瑤比方隨掌握榮因知君有用高價佇連城

玉卮無當

蔣防

美玉常為器茲焉變漏卮酒漿悲莫挹罇俎念空施符彩
功難補盈虛數已虧豈唯孤玩好抑亦類瑕疵清越音雖
在操持意漸隳賦形期大匠良璞勿同斯

同前

共惜連城寶翻為無當卮詎慙君子貴深訝拙工墮泛蟻
功全少如虹色不移可憐硃礫石何計辨糟醅江海誠難
滿盤筵莫妄施縱垂斟酌意猶得奉光儀

沽美玉

羅立言

誰憐被褐士懷玉正求沽成器終期達逢時豈見誣寶同
珠照乘價重劔論都浮彩朝虹滿懸光夜月孤幾年淪瓦

礫今日出泥塗采斲資良匠無令瑕掩瑜

瑕瑜不相掩

陳中師

出石溫然玉瑕瑜素在中妍蚩因異彩音韻一作響信殊風

讓美心方並求疵意本同光華開縝密清潤仰磨礱秀質

非攘善貞姿肯廢忠今來儻成器分別在良工

同前

武翊黃

抱璞應難辨妍蚩每自融貞姿偏特達微玷遇磨礱涇渭

流終異瑕瑜自不同半曾光透石未掩氣如虹縝密誠為

智包藏豈謂忠停疑看分美惡今得值良工

瑜不掩瑕

柴宿

玉微瑕在分明異璞瑜取去貞寧可雜美惡自能殊待價

知彌久稱忠定不誣光輝今見黜毫髮外呈符豈假相工

指堪為達士模他山黨前漢伍被傳黨可以傲幸即古曰黨讀作黨磨琢慕愛

是洪鑪

玉水記方流

吳冊

玉泉何處比四折水文浮潤下寧踰矩居方在上流映空

虛碌碌涵白淨悠悠影碎疑衝斗光清耐掩舟珪璋分辨

狀沙礫共懷柔願赴朝宗日縈迴入御溝

同前

鄭俞

積水蒸文動因知玉產幽如天涵素色伴地引方流潛潤

滋雲起英華射浪浮魚龍泉不夜草木岸無秋壁沼寧堪

比瑤池詎可儔若非懸可測誰復寄冥搜

同前

白居易

良璞含章久寒泉徹底幽

集作
艷

方折浪悠悠

凌亂波紋異縈迴水性柔

集作
疑

似風搖淺瀨如月落清流

潛穎應旁達藏真豈上浮

同前

王鑑

玉潤在中洲光臨碕岸幽

氤氳冥瑞影演漾度方流

乍似輕連合還疑駭浪收

同前

杜元穎

重泉生美玉積水異常流

如見清堪賞因知寶可幽

斗迴虹氣見磬折紫光浮

同前

陳昌言

中矩諧明德同方叶至柔

月生偏共明媚如懷玉竒姿自託幽

白虹深不見綠水折空流

同前

劉軻

方珏清沙遍縱橫氣色浮

類圭才有角寫月讓成鈞

久處沉潛貴希當特達收

同前

潘存實

滔滔在何許揭厲願從游
擬玲瓏豈易名崑山如可得
一片佇為榮
表質自堅貞因人一扣鳴
靜將金並響妙與樂同聲
杳杳

疑風送冷冷似曲成韻含湘瑟切音帶舜絃清不獨藏虹
氣猶能暢物情后夔如爲聽從此振琤琤

夏玉有餘聲

管雄甫

夏玉音難盡疑人思轉清依稀流戶牖髣髴在簷楹更逐
松風起還將澗水并樂中和舊曲天際轉餘聲漂一作縹
浮煙遠溫柔入耳輕想如君子佩時得上堂鳴

琢玉

丁君晦

卞玉何時獻初疑尚在荆琢來聞制器價銜勝連城虹氣
衝天白雲浮入信貞珮爲廉節德杯作侈奢名露璞方期
辨雕文幸既成他山豈無石寧及此時呈

同前

浩虛舟

已沐識堅貞應憐器未成輝山方可重散璞乍堪驚玷滅

隳一作隨

一作

心正瑕消奪眼明琢磨虹氣在拂拭水容

一作塵生

賞翫冰光冷提携月魄輕佇當一作留親捧握瑚璉幸齊名

水精環

嚴維

玉室符長慶環中得水精任圓循不極見素質仍貞信是
天然瑞非因璞斲成無瑕勝玉美至絜過冰清未肯齊珉
價寧同雜佩聲能銜任黃雀亦欲應特鳴

亞父碎玉斗

孟簡

獻謀既我違積憤從心悔鴻門入已迫赤帝時潛退寶位
方苦競玉斗何情愛猶看虹氣凝詎惜冰姿碎而嗟大事
返當起千里悔誰爲西楚王坐見東城潰

同前

裴次元類詩作夷直

雄謀竟不決寶玉將何愛倏爾霜刃揮颯然春冰碎飛光
動旗幟散響驚環珮霜灑繡障前星流錦筵內苗王業已
失為虜言空悔獨有青史中英風觀千載類詩作冠千載

同前

何儒亮

羸女昔解網楚王有遺躅破關既定秦碎首聞獻玉貞姿
應刃散清響因風續匪狗切泥功將明懷璧辱莫量漢祖
德空受項君勛事去見前心千秋渭水綠

美玉

南巨川

抱玉將何適良工正在斯有瑕寧自掩匪石幸君知雕琢
豈成器緇磷志不移飾罇光宴賞入珮奉威儀象德曾留

舉如虹竊可竒終希逢善價還得桂林枝

西戎獻白玉環

張惟儉

當時無外守方物四夷通列土金河北朝天玉塞東自將
荆璞比不與鄭環同正朔雖傳漢衣冠尚帶戎幸承提佩
寵多媿琢磨功絕域知文教爭趨上國風

白珪無玷

辛宏

片玉表堅貞逢時寶自呈色鮮同雪白光潤奪冰清皎皎
無瑕玷鏘鏘有珮聲崑山標重價垂棘振香名抱璞心常
苦全真道未行琢磨忻大匠還冀動連城

金在鎔

白行簡

巨橐方鎔物洪鑪欲範金紫光看漸發赤氣望逾深燄熱

晴雲變煙浮晝景陰堅剛由我性鼓鑄任君心踴躍徒標
異沉潛自可欽何當得成器待叩向知音

清如玉壺冰

王維

玉壺何用好偏許素冰居

集作藏冰玉壺
秉水冰類方諸

未共銷丹日還

同照綺疎抱明中不隱含淨外疑虛氣似庭霜積光言砌

月餘曉凌飛鵲鏡宵映聚螢書若向貪夫

集作比貞清
夫君

心定不餘

集作如

同前

盧綸

玉壺冰始結循吏政初成既有虛心鑒還如照膽清瑤池
慙洞澈金鏡讓澄明氣若朝霜動形隨夜月盈臨人能不
敵待物本無情怯對圓光裏妍蚩自此呈

玉壺冰

潘炎

琰玉性惟堅成壺體更圓虛心含景象應物受寒泉溫潤
資天質清貞稟自然日融光乍散雪照色逾鮮至鑒功寧
宰無私照豈偏明將冰鏡對白與粉花連拂拭終為美提
携佇見傳勿令毫髮累遺恨鮑公篇

同前

玄律陰風勁堅冰在玉壺暗中花更出曉後色全無涸涸
誰能伴婁清詎可渝任圓空似壁照物不成珠素質情方
契孤明道豈殊幽人若相比還得詠生芻

同前

王季友

玉壺知素結止水復中澄堅白能虛受清寒得自凝分形

同曉鏡照物掩宵燈壁映圓光出人驚爽氣凌金壘何足
貴瑤席幾迴昇正值求珪瓚提携共飲冰

同前

錢衆仲

冬律初陰結寒水貯玉壺霜姿雖異稟虹氣亦相符對月
光宜並臨池影不孤貞堅方共濟同處豈殊途色瑩連城
壁形分照乘珠提携今在此抱素節寧渝

明堂火珠

凌空

類詩作
天中

霜月滿

類詩作
雙月合

名都

類詩作
京都

珠沉於淵

寶契

類詩作
寶棄

影似浮

類詩作
彩委塗

光價憐

類詩作
高價

亡情

類詩作
忘情

自為

類詩作
迴與

文苑英華卷第一百八十六

文苑英華卷第一百八十七

詩三十七

省試

州府
試附

秋山極天淨一首

落日山照曜一首

積雪為小山一首

監試蓮花峯一首

謝真人僊駕過舊山二首

宣州試窓中列遠岫一首

登雲梯二首

日暖萬年枝四首

風動萬年枝三首

禁中春松四首

貢院樓北新栽小松四首

尚書都堂瓦松一首

文宣王廟古松一首

幽人折芳桂一首

秋風生桂枝一首

月中桂樹一首

華州試月中桂一首

府試木向榮一首

古木卧平沙一首

竹箭有筠三首

震為蒼筤竹一首

嘉禾合穎二首

秋稼如雲一首

麥穗兩歧一首

餘瑞麥一首

良田無晚歲一首

霜菊二首

月夜梧桐葉上見寒露一首

秋山極天淨

朱延齡

雨洗高秋淨天臨大野閑
葱蘢清萬象繚繞出層山
日落千峯上雲銷萬壑間
綠蘿霜後翠紅葉雨來殷
散彩輝吳甸分形壓楚關
欲尋霄漢路延首願登攀

落日山照曜

徘徊空山下晚晚殘陽落
圓影過峯巒半規入林薄
餘光徹群岫亂彩分重壑
石鏡共澄明巖光同照灼
樓禽去杳杳夕煙生漠漠
此境一作景誰復知獨懷謝康樂

積雪為小山

劉慎虛

飛雪伴春還春庭曉自閑
虛心應任道遇賞遂成山
峯小形全秀巖虛勢莫攀
以幽能皎潔謂近可循環
孤影臨冰鏡寒光對玉顏
不隨遲日盡留顧歲華間

監試蓮花峯

劉得仁

太華萬餘重岩堯只此峯
當秋倚寥泬入望似芙蓉
翠拔千尋直青危一朵穠
氣分毛女秀靈有羽人蹤
倒影侵關

路香風

集作流香

激廟松塵埃終不及車馬自憧憧

謝真人僊駕過舊山

范傳正

麾蓋從僊府笙歌入舊山水流丹竈缺風起草堂關白鹿
行爲衛青鸞舞自閑種松鱗未老移石蘚仍班望路煙霄
外迴輿嶺岫間豈惟遼海鶴空歎令威還

同前

夏方慶

何年成道去綽約化童顏天上辭真侶人間憶舊山桑田
今已變蘿蔓一作尚堪攀雲覆瑤壇淨苔生丹竈閑逍遙
看白石寂寞閉玄關應是悲塵累思將羽駕還

宣州試窓中列遠岫

白居易

天靜秋山好窓開曉翠通遙憐峯窈窕不隔竹蒙籠萬點

管虛室千重疊遠空列簷攢秀氣綠隙助清風碧愛新晴
後明宜反照中宣城郡齋在望與古詩集作同

登雲梯

殷琮

碧落遠澄澄青山路可昇身輕疑易蹋步獨覺難憑灑迤
排將近迴沕勢漸登上寧愁屈曲高更喜超騰江樹遙分
藹山嵐宛若凝赤城容許到敢憚百千層

同前

湯洙

謝客常遊處層巒枕碧溪經過殊俗境登陟象雲梯步步
勞山屐行行躡澗霓迴臨天路廣覆眺夕陽低賞詠情彌
愜風塵事已睽前脩如可慕疑作足固思齊

日暖萬年枝

蔣防

新陽歸上苑嘉樹獨含妍散漫添和氣曠隴卷曙煙流輝
宜聖日接影貴芳年自與恩光近那關煦嫗偏結根誠得
地表壽願符天誰道陵寒質從茲不曖然

同前

郭求

旭日升溟海芳枝散曙煙溫仁臨樹久煦嫗在條偏陽德
符君惠嘉名表聖年若承恩渥厚常屬棟梁賢生植雖依
地光華只信天不才堪及陋徒望向榮先

同前

王約

靄靄彤庭裏沉沉玉砌陞初升九華日潛暖萬年枝煦嫗
光偏好青葱色轉宜每因韶景麗長沐惠風吹隱映當龍
闕氛氲隔鳳池朝陽光照處唯有近臣知

同前

鄭師貞

禁樹敷榮早偏將麗日宜光搖連北闕影泛滿南枝得地
方知照逢時異赫曦葉和盈數積根是末年移霄露猶殘
潤薰風更共次餘暉誠可託况近鳳凰池

風動萬年枝

韋紆

嘉名標萬祀權秀出深宮嫩葉含煙藹芳柯振惠風參差
搖翠色綺靡舞晴空氣稟禎祥異榮霑雨露同天年方未
極聖壽比應崇幸列華林裏知殊衆木中

同前

樊陽源

珍木羅前殿乘春任好風振柯方裊裊舒葉乍蒙蒙影動
丹墀上聲傳紫禁中離披偏向日凌亂半分空輕拂祥煙

散低榭翠色同長令占天眷四氣借全功

同前

許稷

瓊樹春偏早光飛處處宜曉浮三殿日暗度萬年枝婀娜
搖僊禁續翻映玉池含芳煙乍合拂砌影初移為近韶陽
煦皆先衆卉垂成陰知可待不與衆芳隨

禁中春松

陸贄類詩作
白行簡

陰陰清禁裏蒼翠滿春松雨露恩偏近陽和色更一作濃

高枝分曉日靈韻一作虛吹雜宵鍾嵐一作香助鑪煙遠形疑蓋

影重願符千載類詩作壽不羨五株封儻得類詩作迴天

眷全勝老碧一作峯

同前

周存

繁霜改那將衆木同千條攢翠色百尺澹晴空影密金莖
近花明鳳沼通安知幽澗側獨與散樗叢

同前

負南濱

鬱鬱貞松樹陰陰在紫宸葱龍偏近日青翠更宜春雅韻
風來起輕煙霽後新葉深棲語鶴枝亞拂朝臣全節長衣
地陵雲欲致身山苗蔭不得生植荷陶鈞

同前

常沂

映殿松偏好森森列禁中攢柯霑聖澤踈蓋引皇風晚色
連秦苑春香滿漢宮操將貞石固材與直臣同翠影宜青
瑣蒼一作纖枝秀碧空還知沐天眷千載更葱籠

貢院樓北新栽小松

李正封

青蒼初得地華省植來新尚帶山中色猶含洞裏春近樓
依北戶隱砌淨遊塵鶴壽應成蓋龍形未有鱗為梁資大
厦封爵耻羸秦幸此觀光日清風屢得親

同前

白行簡

華省春霜曙棲陰植小松移根依厚地委質別危峯北戶
知猶遠東堂幸見容心堅終待鶴枝嫩未成龍夜影看仍
薄朝嵐色漸濃山苗不可蔭狐直俟秦封

同前

錢衆仲

愛此凌霜操移來獨占春貞心初得地勁節始依人晚疑
月煙猶薄當軒色轉新枝低無宿羽葉靜不留塵每望芝

蘭近常慙雨露均幸因逢顧盼生植及茲辰

同前

吳武陵

拂檻愛貞容移根自遠峯曾經芳一作已草沒終不住疑

苔封葉少初陵雪鱗生欲化龍乘春濯雨露得地近垣墉
逐吹香微動含煙色漸濃時迴日月照為謝小山松

尚書都堂瓦松

李暉

華省祕僊蹤高堂露瓦松葉因春後長花為雨來濃影混
鴛鴦色光含翡翠容天然斯所寄地勢太無從接棟臨雙
闕連甍近九重寧知深澗底霜雪歲兼封

文宣王廟古松

李胄

列植成均裏分行古廟前陰森非一日蒼翠自何年寒影

煙霜暗晨光枝葉妍近簷陰更靜臨砌色相鮮每愧聞鐘
磬多慙接豆籩更宜教胄子於此學貞堅

幽人折芳桂

厚地生芳桂遙林聳幹長葉開風裏色花吐月中光曙鳥
啼餘翠幽人愛早芳動時垂露滴攀處拂衣香日調聲猶
苦孤一作高力自強一枝終是折榮耀在東堂

秋風生桂枝

寒桂秋風動蕭蕭自一枝方將擊林變不假舞松移散翠
幽花落搖青密葉離哀猿驚助裏花露滴爭垂遺韻連波
聚流音萬木隨常聞小山裏逋客最先知

月中桂樹

顧封人

芬馥天邊桂扶疎在月中能齊大椿長不與小山同皎皎
舒華色亭亭麗碧空虧盈寧委露搖落不關風歲晚花應
發春餘質詎豐無因遂攀賞徒欲望青葱

華州試月中桂

張喬

與月轉鴻濛扶疎萬古同根非生下土葉不墮秋風每以
類詩作每向一作圓時足還隨缺處空影高群木外香蒲一輪中未

種丹霄日應虛玉一作兔宮如何當一作何當因羽化細得問
玄功

府試木向榮

鄭谷

園林青氣動衆木散寒聲敗葉墻陰在滋條雪後榮忻忻
春令早藹藹日華輕庾嶺梅先覺隋堤柳暗驚山川應物

候臯壤起農情祗待花開日連樓出谷鶯

古木卧平沙

王冷然

古木卧平沙摧殘歲月賒有根橫水石無葉拂煙霞春至
苔為葉冬來雪作花不逢星漢使誰辨是靈槎

竹箭有筠

李程

常愛凌寒竹堅貞可喻人能將先進禮義與後彫隣冉冉
猶全節青青尚有筠陶鈞二儀內柯葉四時春待鳳花仍
吐停霜色更新方持不易操對此欲觀身

同前

席夔

共愛東南美青青歎有筠貞姿衆木異秀色四時均枝葉
當無改風霜豈憚頻虚心如待物勁節自留春鮮潤期

鳳嬋娟可並人可憐初籜卷粉澤更宜新

同前

張仲方

東南生綠竹獨羨有筠箭枝葉詎曾凋風霜孰云變偏宜
林表秀多向歲寒見碧色乍葱籠青光常葳蕤皮開鳳彩
出節勁龍文見愛此守堅貞含歌屬時彥

震為蒼筤竹

朱慶餘

為擢東方秀蕭

集作脩

然異衆筠青葱纒映粉蒙密正含春

嫩籜霑微雨幽根絕細塵乍憐分徑小偏覺帶煙新結實
皆留鳳垂陰似庇人願為竿在手深水釣

集作掛 頽鱗

嘉禾合穎

孟簡

玉燭將成歲封人亦自歌八方霑聖澤異畝發嘉禾共秀

芳何遠連莖瑞且多穎低甘露滴影亂惠風過表稔由神
化為祥識氣和因知與嗣歲王道舊無頗

同前

天祚皇王德神呈瑞穀嘉感時苗特一作自秀證道葉方華

氣轉騰佳色雲披映早霞薰風浮合穎湛露淨祥花六穗

垂蕪倒孤莖嫺復斜影疑同唐叔獻稱慶比周家

秋稼如雲

蔣防

肆目如雲處三田大有秋葱龍初蒲豎類詩作散漫正盈

疇稍混從龍勢寧同觸石幽紫芒分粲粲青野類詩作澹

油油始愜倉箱望終無減裂憂西成知不遠雨露復何酬

麥穗兩岐

鄭畋

聖恩慶千畝嘉苗薦兩岐如雲方表盛成穗忽標竒瑞露

縱橫滴祥風左右吹謳謠連上苑花日遍平陂一作岐史冊

書堪重丹青畫更宜願依連理樹俱作萬年枝

餘瑞麥

張聿

瑞麥生堯日芄芄雨露備兩岐分更合異畝穎仍連冀獲

明王慶寧唯太守賢仁風吹靡靡甘雨長芊芊聖德應多

稔皇家配有年已聞天下泰誰為濟西田

良田無晚歲

丁澤

人功雖未及地力信非常不任耕耘早備宜黍稷良無年

皆有獲後種亦先芳懽懽疑盈千畝青青保萬箱何須祭

田祖詎要察農祥况是春三月和風日又長

霜菊

時令忽已變行看被霜菊可憐後時秀當此凜風蕭浙瀝
翠枝翻淒清金蕊馥凝姿節堪重登艷景非淑寧祛青女
威願盈君子掬持來泛罇酒末以照幽獨

席夔

同前

秋盡北風去律移寒氣蕭浙瀝降繁霜離披委殘菊華滋
尚照灼幽氣含紛郁的的冒空園萋萋被幽谷騷人有遺
詠陶令曾盈掬儻使懷袖中猶堪襲餘馥

月夜梧桐葉上見寒露

戴察

蕭疎桐葉上月白露初團滴瀝珠疑光滿熒煌素彩寒風
搖愁玉墜枝動惜珠乾氣冷初疑秋晚聲微覺夜闌疑空

流欲遍潤物淨宜看草入厭窺臨倦將晞聚更難

文苑英華卷第一百八十七

文苑英華卷第一百八十八

詩三十八

省試九

州府試附

花發上林六首

曲江亭望慈恩寺杏園花發四首

金谷園花發懷古三首 芙蓉出水二首

華林園早梅一首 潘安仁戴星看河陽花發二首

宮池產瑞蓮一首 小苑春望宮池柳色十首

御溝新柳六首 原隰萋綠柳一首

御園芳草一首 龍池春草三首

方士進恒春草一首 禮闈階前春草生一首

春草凝露一首 春草碧色二首

生芻一束二首

花發上林

獨孤授

上苑韶容早芳菲正吐花無言向春日閑笑任年華潤色
籠輕靄晴光艷晚霞影連千戶竹香散萬人家幸遶樓臺
近仍懷雨露賒願君垂採摘不使落風沙

同前

周渭

灼灼花凝雪春來發上林向風初散葉垂葉欲成陰人過
香隨遠煙晴色白深淨時空結霧踈處未藏禽葦茸何年
植間關幾日吟一枝如可冀不負折芳心

同前

竇常

上苑曉沉沉花枝亂綴陰色浮雙闕近春入九門深向曉
風初扇餘寒雪尚侵艷迴秦女目愁颺越人心繞繞時時
蝶關關乍引禽寧知幽谷羽一舉欲依林

同前

王表

上苑春何早繁花已滿林笑迎明主杖香拂美人簪地接
樓臺近天垂雨露深晴光來戲蝶夕影動棲禽欲託凌雲
勢先開捧日心當知桃李樹從此必成陰

同前

王儲

東陸和風至先開上苑花穠枝藏宿鳥香葉拂行車散白
憐晴日舒紅愛晚霞桃間留御馬梅處入胡笳城郭連增
媚樓臺映轉華豈同幽谷草春至發猶賒

同前

花發三陽盛香飄五柞深素暉雲積苑紅彩繡張林落水
隨魚戲搖風映鳥吟瓊樓出高艷玉輦駐濃陰亂蝶枝開
影繁蜂藥上音鮮芳盈禁籞布澤荷天心

曲江亭望慈恩寺杏園花發

李君何

春晴凭水軒僊杏發南園開藥風初曉浮香景欲暄光華
臨御陌色相對空門野雪遙添淨山煙近借繁地閑分禁
一作苑景勝類桃源况值新晴日芳枝度彩鴛

同前

周弘亮

江亭閑望處遠近見秦源古寺遲春景新花發杏園夢中
輕藥密枝上素姿繁拂雨雲初起含風雪欲翻容輝明十
地香氣遍千門願莫隨桃李芳菲不爲言

同前

曹著

渚亭臨淨域憑望一開軒晚日分初地東風發杏園異杏
飄九陌麗色映千門照灼瑤華散葳蕤玉露繁未教遊妓
折乍聽早鶯喧誰復爭桃李含芳自不言

同前

陳翥

曲池晴望好近接梵王家十畝開金地千林發杏花映雲
猶誤雪照日欲成霞紫陌傳香遠紅泉落影斜園中春尚
早亭上路非賒芳景堪遊颺其如惜物華

金谷園花發懷古

王質

寂寥金谷澗花發舊時園人事空懷古煙霞此獨存管絃
非上客歌舞少王孫繁藥風驚散輕紅鳥乍翻山川終不

改桃李自無言今日經塵路淒涼詎可論

同前

張公乂

今日春風至花開石氏園未全紅艷折半與素光翻點綴
踈林遍微明古徑繁窺臨鶯欲語寂寞李無言谷變迷鋪
錦臺餘認樹萱川流人事共一作千載竟誰論

同前

春風生梓澤遲景映花林欲問當時事因傷此日心繁華
人已歿桃李意何深澗咽歌聲在雲歸蓋影沉地形同萬
古笑價失千金遺跡應無限芳菲不可尋

芙蓉出水

陳至

菡萏迎秋吐天搖映水濱劒芒開寶匣峯影寫蒲津下照

參差荇高辭苒弱蘋自當巢翠甲非止戲頰鱗莫以時先
後而言色故新芳香正堪翫誰報涉江人

同前

賈暮

的皪舒芳艷紅姿映綠蘋搖風開細浪出沼媚清晨翻影
初迎日流香暗襲人獨披千葉淺不競百花春魚戲參差
動龜遊次第新涉江如可採從此免迷津

華林園早梅

鄭述誠

曉日東樓路林端見早梅獨凌寒氣發不逐衆花開素彩
風前艷韶光雪後催藥香露一作紫陌枝亞拂青苔止渴
曾為用和羨舊有才含情欲攀折瞻望幾徘徊

潘安仁戴星看河陽花發

呂敞

行春潘令至勤恤戴星光爲政宵忘寢臨人倍冀康曉花
迎徑發新藥滿城香秀色霑輕露鮮輝麗早陽津橋見來
往空霧拂衣裳桃李今無數從茲願比方

宮池產瑞蓮

帖經
日試

王貞白

雨露及萬物嘉祥有瑞蓮香飄鷄樹近榮占鳳池先聖日
臨雙麗恩波照並妍願同指佞草生向帝堯前

小苑春望宮池柳色

張昔

小苑春初至皇衢日更清遙分萬條柳迴出九重城隱映
龍池潤參差鳳闕明影宜宮雪曙色帶禁煙晴深淺殘陽
變高低曉吹輕年光正堪折欲寄一枝榮

同前

黎逢

上宮新柳變小苑昔春天晴始見和煙密遙憐拂水輕色乘
陽氣重陰助御樓清不厭隨風媚仍宜向日明客中愁一作
客愁美景池上仰光榮漸到依依處思聞出谷鶯

同前

丁位

小苑宜春望宮池柳色輕低昂含曉景縈轉帶新晴似蓋
芳初合如絲蔭漸成依依連水暗媚媚出牆明雖以陽和
發能令旅思生他時花滿路從此接遷鶯

同前

元友直

柳色新池遍春光御苑晴葉依青閣密條向碧流傾路暗
陰初重波搖影轉清風從垂處度煙就望中生斷續遊蜂
聚飄颻戲蝶輕怡然變芳節願及一枝榮

同前

楊系

勝遊從小苑宮柳望春晴拂地青絲嫩縈風綠帶輕光含
煙色遠影透水文清玉笛吟何得金閨畫豈成皇風吹欲
斷聖日映逾明願駐高枝上還同出谷鷺

同前

楊凌

上苑閑遊早東風柳色輕儲胥遙掩映池水隔微明春至
條偏弱寒餘葉未成和煙變濃澹轉日異陰晴不獨芳菲
好還因雨露榮行人望攀折遠翠暮愁生

同前

崔績

帝京春氣早御柳已先榮嫩葉隨風散浮光向日明悠揚
生別意斷續引芳聲積翠連馳道飄花出禁城柔條依水

翠遠色帶煙輕南望龍池畔斜光照晚晴

同前

裴達

勝遊經小苑閑望上春城御路韶光發宮池柳色輕乍濃
含雨潤微澹帶雲一作烟晴暮歷殘煙歛搖揚落照明幾條
垂廣殿數樹影高旌獨有風塵客思同雨露榮

同前

張季略

韶光歸漢苑柳色發春城半見離宮出纔分遠水明青葱
當淑景隱映媚新晴積翠煙初合微黃葉未生迎春看尚
嫩照日見先榮儻得辭幽谷高枝寄一名

同前

沈廻

今來遊上苑春染柳條輕濯濯方含色依依若有情分行

臨曲沼先發媚重城拂水枝偏弱遙風絲已生變黃隨淑
景吐翠逐新晴佇立徒延首徘徊欲寄誠

御溝新柳

賈稜

御苑陽和早章溝柳色新託根偏近日布葉乍迎春秀質
方含翠清陰欲庇人輕煙度斜景多露滴行塵裊裊堪離
贈依依獨望頻王孫如可賞攀折在芳辰

同前

陳羽

宛宛如絲柳含黃一望新未成溝上暗且向日邊春媚娜
方遮水低迷欲醉人託空芳鬱鬱逐溜影鱗鱗弄色滋宵
露垂枝染夕塵夾堤連太液還似映天津

同前

歐陽詹

東風韶景至垂柳御溝新媚作千門秀連為一道春柔
生女指嫩葉長龍鱗舞絮迴青岸輕煙拂綠蘋王孫初命
賞佳客幾集作欲傷神芳意能集作堪相贈一枝先遠人

同前

馮宿

夾道天渠遠垂絲御柳新千條宜向日萬戶共迎春輕翠
含煙發微音逐吹頻靜看思渡口迴望憶江濱裊裊分遊
騎依依駐旅人陽和如可及攀折在茲辰

同前

李觀集無

御溝迴廣陌芳柳對行人翠色枝枝滿年光樹樹新畏塗
攀折客愁見別離辰近映章臺騎遙分禁苑春嫩陰初覆
水高影漸離塵莫入胡兒笛還令淚濕巾

同前

劉遵古

韶光先禁柳幾處覆溝新映水疑分翠含煙欲占春悠悠
遲日曉裏裏好風頻吐節茸猶嫩通條澤稍均遠和瑤草
色暗拂玉樓塵願假騫飛便歸棲及此辰

原隰萋綠柳

溫庭筠集無

廻野韶光早晴川柳滿一作映柳堤拂塵生嫩綠披雪見柔萋
碧玉牙猶短黃金縷未齊腰支弄寒吹眉意入春闈預恐
狂夫折迎牽逸客迷新鷲將出谷應借一枝棲

御園芳草

陸贄集無

陰陰御園裏瑤章日光長羅縠含煙霧依稀帶夕陽雨餘
萋更密風暖蕙初香擁妓綠馳道乘輿入建章濕煙搖不

散細影亂無行恒恐韶光晚何人辨早芳

龍池春草

陳翊一作翊

青春光鳳苑細草遍龍池曲渚交蘋葉廻塘惹柳枝因風
初萋萋覆岸欲離離色帶金堤靜陰連玉樹移日光浮羅
靡波影動參差豈比生幽遠芳馨衆不知

同前

宋迪

鳳闕韶光遍龍池草色勻煙波全讓綠堤柳不爭新翻葉
迎紅日飄香借白蘋幽姿偏占暮芳意欲留春已勝生金
埒長思籍玉輪翠華如見幸正好及茲辰

同前

萬侯造

暖積龍池綠晴連御苑春迎風莖未偃衰露色猶新萋萋

分堦砌離離雜荇蘋細叢依遠渚踈影落輕綸遲引紫花
蝶偏宜拾翠人那憐獻賦者惆悵惜茲辰

方士進恒春草

梁鎰

東吳有靈草生彼剡谿傍旣亂莓苔色仍連齒苜香掇之
稱遠士持以奉明王北闕顏彌駐南山壽更長金膏從騁
妙石髓莫矜良儻使霑涓滴還遊不死方

禮闈階前春草生

河畔雖同色南宮淑景先微開曳履麴常對講經前得地
風塵隔依林雨露偏已逢霜候改初寄日華妍影與叢蘭
雜榮將衆卉連哲人如不雜生意在芳年

春草凝露

張友正

蒼芳草色含露對青春已賴陽和長仍慙潤澤頻日臨
殘未滴風度欲成津蕙葉垂偏重蘭叢洗轉新將行愁衰
逕欲采畏濡身獨愛池塘畔清華遠襲人

春草碧色

殷文圭

細草含愁碧芊綿南浦濱萋萋如恨別苒苒共傷春踈雨
煙華潤斜陽細彩勻花黏繁鬪錦人藉軟勝茵淺映宮池
水輕遮輦路塵杜回如可結誓作報恩身

同前

王穀

習習東風扇萋萋草色新淺深千里碧高下一時春嫩葉
舒煙際微香動水濱金塘明夕照輦路惹芳塵造化功何
廣陽和力自均今當發生日瀝懇祝良辰

生芻一束

于結

比玉人應重為芻物自輕向風傾弱葉衰露示纖莖舊練
宜春景芊綿對雨情每慙蘋藻用多謝蒞蘭榮孺子才雖
遠公孫策未行諮詢一作如不棄終冀及微生

同前

鄭孺華

孫弘期射策長倩贈生芻至潔心將比忘憂道不孤芝蘭
方入室蕭艾莫同途馥馥香猶在青青色更殊芳寧九春
歇薰豈十年無葑菲如堪採山苗自可逾

文苑英華卷第一百八十八

文苑英華卷第一百八十九

詩三十九

省試十

州府試附

至人無夢一首

人不易知二首

行不由徑四首

言行相顧二首

求自試一首

天門街西觀榮王聘妃二首

太社觀獻捷一首

觀劍南獻捷一首

河中獻捷一首

送薛大夫和番二首

吳宮教戰二首

李太尉重陽日得蘇屬國書一首

題杜賓客新豐里幽居一首

石季倫金谷園一首

仲秋太常寺觀公輅車拜陵一首

早春送郎官出宰一首

武德殿朝退望九衢春色一首

金莖一首

錦帶佩吳鉤一首

雲母屏風隔坐一首

觀淬龍泉劍一首

青出於藍二首

白受采一首

晦日同志昆明池泛舟二首

上巳連清明遊宴一首 登聖善寺閣望龍門一首

上元日聽太清宮步虛一首

府試中元觀道流步虛一首

河南府試鄉飲酒一首 京兆府試目極千里一首

國學試風化下一首 府試古鏡一首

秦鏡二首

監試夜雨滴空堦一首

江陵府試澄心如水一首

至人無夢

蔣防

已曠希微理知將靜默隣坐忘寧有夢跡滅示疑神化蝶

誠知一作知成幻微蘭匪契真抱玄雖解帶守一自離塵寥朗

壺中曉虛明洞裏春條然碧霞客那比漆園人

人不易知

鄭昉

如面誠非一深心豈易知入秦書十上投楚歲三移和玉
翻為泣齊竽或濫吹周行雖有寘殷鑒在前規寅亮推多

士清通固賞竒病諸方號哲敢相反成疵冬日承餘愛霜
雲喜暫披無令見瞻後廻照復云疲

同前

權衡諒匪易愚智信難移九德皆殊進三端豈易施同稱
昆岫寶共握桂林枝鄭鼠今奚別齊竿或濫吹瑤臺有光
鑑屢照不應疲片善當無掩先鳴貴在斯龍門峻且極驥
足庶來馳太息李元禮期君幸一知

行不由徑

孟封

類詩作
蕭斯

欲速竟何成康莊亦砥平天衢皆利往吾道本方行不復
由蓬徑無因訪蔣生三條遵廣道九軌尚安貞紫陌悠悠
去芳塵步步清澹臺千載後公道有遺名

同前

王炎

類詩作
庾承宣

邪徑趨時捷端心惡此名長衢貴高步大路自規行且慮
類詩作且避類詩作縈紆僻將求坦蕩情詎同流俗好方保立身貞遠
跡如遠險脩仁在履平始知夫子道從此得堅誠

同前

張籍

田裏有微徑賢人不復行孰知趨集作熟捷步集作恐
異端成從易衆所欲安邪患亦生誰能遠大路集作遠共
此競前程子羽有遺跡孔門傳舊聲今逢大君子士節再
集作應明

同前

俞簡

古人心有尚乃是孔門生爲計安貧樂當從大道行詎應

流遠迹方欲料前程捷徑雖云易長衢豈不平後來無枉
路先達擅前名一示遵途意微衷益自精

言行相顧

吳叔達

聖人垂政教萬古請常傳立志言爲本脩身行乃先相須
寧得闕相顧在無偏榮辱當於已忠貞必動天大名如副
寶至道亦通玄千里猶能應何云邇者焉

同前

孟翽

將使言堪復常聞行欲先比珪斯不玷脩已直如絃跬步
非全進吹噓稟自然當令夫子察無宿仲由賢正遇興邦
際因懷入曙年坐知清監下相顧有人焉

求自試

竇常

僊禁祥雲合高梧彩鳳遊沉冥求自試通鑑果蒙收文墨
悲無位詩書誤白頭陳王抗表日毛遂請行秋雙劍曾埋
獄司空問斗牛希垂拂拭惠感激願相投

天門街西觀榮王聘妃

張光朝

僊媛來朱邱名王出紫微三周初展義百兩遂言歸鄭國
通梁苑天津接帝畿橋成烏鵲助蓋轉鳳凰飛霜仗迎秋
色星缸蒲夜暉從茲盤石固應爲得賢妃

同前

梁鉉

帝子乘龍夜三星照戶前兩行宮火出十里道鋪筵羅綺
明中識簫韶暗裏傳燈攢九華扇帳撒五銖錢交頸文鴛
合和鳴彩鳳連欲知來日羨雙拜紫微天

太社觀獻入翰林試以功字為韻

白居易

淮海妖氛滅乾坤喜氣通班師郊社內操袂凱歌中廟筭無遺策天兵不戰功小臣同鳥獸率舞向皇風

觀劔南獻捷

遐圻新破虜名將應一作舊登壇戎首西南至氍裘長幼觀

邊疆氛已息矛戟血猶殘紫陌歡聲動丹墀喜氣盤唐虞方德易衛霍比功難共覩俘囚入賡歌萬國安

河中獻捷

張隨

叛將忘恩父王師不戰通凱歌千里內喜氣二儀中寇盡條山下兵迴漢苑東將軍初執信明主欲論功落日烟塵靜寒郊壁壘空蒼生幸無事自此樂堯風

送薛大夫和蕃

孫頴

亞相獨推賢乘輅向遠邊一心傾漢日萬里望胡天忠信皇恩重要荒聖德傳戎人方屈膝塞月復嬋娟別思流鶯晚歸朝候鴈先當書外垣傳迴奏赤墀前

同前

戎王歸漢命魏絳諭皇恩旌旆辭雙闕風沙上五原往途遵塞道出祖耀都門策今天文盛宣威使者尊澄波看四海入貢佇諸蕃秋杪迎回驛無勞枉夢魂

吳宮教戰

吳秘類詩作顏粲

睿獻陳兵計功成欲霸吳玉顏承將略金殿賜軍符轉旆風雲暗鳴輦錦繡趨雪花頻落粉香汗盡流珠掩笑誰干

令嚴師必用誅至今孫子法猶可靜邊隅

同前

林藻類詩作葉季良

強吳矜霸略講武在深宮盡出嬌娥輩先觀上將風揮戈
羅袖卷掇甲汗裝紅輕一作掩笑分旗下含羞入隊中鼓停
行未整刑舉令方崇自可威隣國何勞騁戰功

李太尉重陽日得蘇屬國書 白行簡

降虜意何如窮荒九月初三秋異鄉節一紙故人書對酒
情無極開緘思有餘感時空寂寞懷舊幾躊躇鴈盡平沙
迴煙銷大漠虛迴頭向南望掩淚對雙魚

題杜賓客新豐里幽居 蔣防

退迹依三逕辭榮繼二疎聖情容解印帝里許懸車已去

龍樓籍猶分御廩儲風泉輸耳目松竹助玄虛調護心常
在山林意有餘應嗤紫芝客遠就白雲居

石季倫金谷園 許堯佐

石氏遺文在淒涼見故園輕風思奏樂衰草憶行軒舞榭
荒苔掩歌臺墜葉繁斷雲歸舊壑流水咽清源曲渚殘虹
歛蓼簟宿鳥喧空餘林上月長似對金罇

同前 李君房

梓澤風流地淒涼跡尚存殘芳迷妓女衰草憶王孫舞態
隨人謝歌聲寄鳥言池平森灌木月落弔空園流水悲難
駐浮雲影自翻賓階餘蘚石車馬詎喧喧

仲秋太常寺觀公輅車拜陵 苗重芳

南呂初開律金風已戒涼拜陵將展敬車輅儼成行士庶
觀祠禮公卿習舊章郊原佳氣引園寢瑞烟長鹵簿辭丹
闕威儀列太常聖心何所寄惟德在無忘

早春送郎官出宰

張隨

僊郎今出宰聖主下憂民紫陌軒車送丹墀雨露新趨程
猶犯雪行縣正逢春粉署時迴首銅章已在身鳴琴化欲
展起草戀空頻今日都門外悠悠別漢臣

武德殿朝退望九衢春色

曹松

玉殿朝初退天街一看

類詩作一望

春南山初過雨北闕淨無

塵夾道天桃蒲連溝御柳新蘇舒同舜澤煦嫗並堯仁佳
氣浮軒蓋和風襲搢紳自茲憐萬類詩作知萬物同入發生辰

金莖

徐敞

武帝貴長生延年餌玉英銅盤貯珠露僊掌抗金莖拂曙
氛埃歛凌空沆瀣清峩堯捧瑞氣龍從出宮城勢入浮雲
聳形標霽色明大君當御宇何必去蓬瀛

錦帶佩吳鉤

張友正

帶劍誰家子春朝紫陌遊結邊霞聚錦懸處月隨鈎綵縷
迴文出椎芒練影浮葉依花裏艷霜向鏢中秋的皜宜驄
馬爛熳映綺裘應須待報國一芻月支頭

雲母屏風隔坐

彩障成雲母丹墀隔上公才彰二紀盛榮播一朝同近玉
初齊白臨花乍散紅凝姿分縹緲轉珮辨玲瓏意愜恩偏

厚名新寵更崇誰知歷千古猶自仰清風

觀淬龍泉劍

裴夷直

歐冶將成器風湖幸見逢發矚思剗王投水化為龍詎肯

藏深

類詩作深藏

匣終期用刺鍾蓮華生寶鏑秋日勵霜鋒鍊

質纔三尺吹毛過百重聲

一作擊

磨如不倦提握願長從

類詩

作决雲今得便提出剪姦凶

青出藍

王季文

芳藍滋疋帛人力半天經浸潤加新氣光輝勝本青還同

冰出水不共草為螢翻覆依襟上偏知造化靈

同前

呂温

物有無窮好藍青更

集作又

出青殊研方比德白受始成形

補襲宜從政衿聖可問經當年集作時不採擷佳色幾飄零

白受采

晶晶金方色遷移妙不窮輕衣塵跡化淨壁績文通沙變

藍溪漬水渝墨沼空似井言受和由禮學資忠皎潔形無

定玄黃用莫同素心如可教願染古人風

晦日同志昆明池泛舟

朱餘慶

故人同泛處遠色望中明靜凡砂痕露微思月魄生周廻

餘雪在浩渺暮雲平戲鳥隨蘭棹空波盪石鯨劫灰難問

理島樹偶知名自省曾遊

雜詠作追

賞無如此日情

同前

靈沼疑河漢蕭條見斗牛煙生知岸近水淨覺天秋落月

低前樹清輝蒲去舟興因孤嶼起心爲白蘋留曉吹蕪漁
唱閑雲伴客愁龍津如可上長嘯且乘流

上巳連

雜詠
作接

清明遊宴

獨孤良弼

上巳觀初罷清明賞又追閏年侵舊曆令節併芳時細雨
鶯飛重春風酒醒遲翫花迷白雪看柳折青絲淑氣如相
待天和竟爲誰却

雜詠
作呼

嗟名未立空詠宴遊詩

登聖善寺閣望龍門

成嘒

高閣聊登望遙分禹鑿門刹連多寶塔樹蒲給孤園香境
超三界清流振陸渾報慈弘孝理行道得真源空淨祥煙
霽時光受日溫願從初地起長奉下生尊

上元日聽太清宮步虛

張仲素

僊客開金籙元辰會玉京靈歌賓紫府雅韻出層城磬
音徐一作餘徹風飄響更清紆餘空外盡斷續聽中生舞鶴
紛將集流雲住未行誰知九陌上塵俗仰遺聲

府試中元觀道流步虛

殷堯恭

玄都開秘籙白石禮先生上界秋光靜中元夜景清星辰
朝帝處鸞鶴步虛聲玉洞花長發珠宮月最明掃壇天地
肅投簡鬼神驚儻賜刀圭藥還成不死名

河南府試鄉飲酒

呂溫見集本

酌言雖舊典刈楚始登堂百拜賓儀盡三終樂奏長想同
鷲出谷看似鴈成行禮罷知何適隨雲入帝鄉

京兆府試目極千里

劉得仁

獻賦多年客低眉恨且千此心常鬱矣縱目忽超然送驥
登長路看鳴入遠天古墟煙冪冪窮草野綿綿樹與金城
接山疑桂水連何當開霽日無物翳平川

國學試風化下

薛能

霽闕露穹崇含生仰聖聰英明高比日聲教下如風靜發
宸居內低來品物中南薰歌自溥北極響皆通類未看無
狀人間覺有功因令委泥者覩此忘途窮

府試古鏡

舊是秦時鏡今來古匣中龍盤初挂月鳳舞欲生風石黛
曾留殿朱光適在宮應祥知道泰監物覺神通肝膽誠難
隱妍媸信易窮幸居君子室長願免塵蒙

秦鏡

仲子陵

萬古秦時鏡從來抱至精依臺月自吐在匣水常清爛爛
金光發澄澄物象生雲天皆洞鑒表裏盡虛明但見人窺
膽全勝響應聲妍媸定可識何處更逃情

同前

張佐

樓上秦時鏡千秋獨有名菱花寒不落冰質夏長清龍在
形難掩人來膽易呈昇臺宜遠照開匣乍藏明皎色新磨
出圓規舊鑄成愁容如可鑒當欲拂塵纓

監試夜雨滴空堦

喻鳧

霎霎復淒淒飄松又灑槐氣濛蛛網檻聲疊蘚花堦古壁
青燈動深庭濕葉埋徐垂舊鴛瓦競歷小茅齋冷與陰蟲

間清將玉漏諸病身唯展轉誰見此時懷

江陵府初試澄心如水

盧肇

丹心何所喻唯

集作爲

水並清虛莫測千尋底難知一勺初

內明非有物上善本無魚澹泊隨高下波瀾逐卷舒養蒙

方浩浩出險

集作海

每徐徐若灌情田裏常流盡不如

吳宮教戰

客獻

類詩作有客

金殿賜

類詩作金鈿折

轉旆

類詩作轉佩

嚴師

類詩作嚴刑

文苑英華卷第一百八十九

文苑英華卷第一百九十

詩四十

朝省一

趨朝四十八首

寓直十六首

趨朝

守東華開門

一作守東平中華門開

梁簡文帝

脂車向馳道物響息東

一作中

華落關猶待漏交

一作文

戟未

通車薄雲初啓雨曙色始成霞漸流鋪紫若城風泛橘花

弦誦終無取願已自懷嗟

一作皆藝文類聚

早朝車中聽望

何遜

詰旦鍾聲罷隱隱禁門通遽車響北闕鄭履入南宮宿霜

間類聚作霧開

馳道初日照相風胥徒紛絡繹騶類聚作騶御或西

東

入朝守開門

王褒

直城

類聚作鳳池

通複道嚴駕早凌晨鐵符行警曙銀燄未開

闐塹暗城無影晴新路不塵屯兵引畫劔騎吹動班輪徒

知仰睿藻抽辭慙

類聚作殊未申

答王筠早朝守建陽門開

江惣

金兔猶懸魄銅龍欲啓扉三條息行火百雉照初暉御溝

槐影出仙掌露光晞

奉和從叔光祿愔元日早朝

李元操

見雜詠

銅渾變春節玉律動年灰曖曖成霞旦隱隱禁門開衆靈

湊仙府百神朝帝臺葉令雙鳧至梁王駟馬來戈鋌映林

闕歌管沸塵埃保章望瑞氣尚書滅火災冠冕多秀士簪

裾饒上才誰憐張仲蔚日暮返蒿萊

賦得謁帝承明廬

江惣

見初學記

霧開仁壽殿雲曉承明廬輪停糾幘引馬度紅塵餘香貂

拜黻衮花綬拂玄除謁帝升清漢何殊入紫虛

正日臨朝

唐太宗

見初學記

條風開獻節灰律動初陽百蠻奉遐書萬國朝未央雖無

舜禹跡幸欣天地康車軌同八表書文混四方赫弈儼冠

蓋紛綸盛服章羽旄飛馳道鍾鼓震巖廊組練暉霞色霜

戟照朝光晨宵懷至理終愧撫遐荒

奉和正日臨朝

魏徵

見雜詠

百靈侍軒后萬國會塗山豈如今睿哲邁古獨光前聲教
溢四海朝宗引百川鏘洋鳴玉珮灼爍輝金蟬淑景輝雕
輦高旌揚翠煙庭實超王會廣樂盛鈞天既欣東戶日復
詠南風篇願奉光華慶從斯萬億年

同前

顧師古

七政璿衡始三元寶曆新負袞延百辟垂旒御九賓肅肅
皆鷓鷖濟濟盛纓初學記紳天涯致重雜詠作譯日域獻

奇珍

同前

岑文本見雜詠

時雍表昌運日正叶靈符德兼三代禮功包四海圖踰沙
紛在列執玉儼相趨清蹕喧輦道張樂駭天衢拂蜺九旗

映儀鳳八音殊佳氣浮仙掌薰風繞帝裾天文光七政皇
恩被九區方陪瘞玉禮珥筆岱山隅

同前

李百藥

化曆昭唐典承天順夏正百靈警朝禁三辰揚旆旌充庭
富禮樂高宴齒簪纓獻壽符萬歲移風韻九成

凌晨早朝

虞世南

萬戶宵光曙重簷夕霧收玉花停夜燭金壺送曉籌日暉
青瑣殿霞生結綺樓重門啓應路通籍引王侯

同潘屯田冬早朝

張文琮

假寐懷古人夙興瞻曉月通晨禁門啓冠蓋趨朝謁霜霽
清九衢霞光照雙闕紛綸文物紀煥爛聲明發腰劔動陸

離鳴玉和清越

春晚看群公朝還人爲八韻 陳子良

遊子惜春暮策杖出蒿萊正值康莊晚群公謁帝迴履度
南宮至車從北闕來珂影呵疑明月笳聲動落梅迎風采
眊轉照日綬花開紅塵掩鶴蓋翠柳拂龍媒綺雲臨舞閣
丹霞薄吹臺輕肥寧所羨未若反山隈

早朝

帝元旦

震維方月季宸極衆星尊珮玉朝三陛鳴珂度九門挈壺
分早漏伏檻耀初暎北倚蒼龍闕西臨紫鳳垣詞庭草欲
奏温室樹無言鮮翰空爲忝長懷聖主恩

同前

鄭愔

瑞闕龍車峻宸庭鳳掖深才良寄天綽趨拜侶朝簪飛鳥
看來影喧車識駐音重軒輕霧入洞戶落花侵聞有題新
翰依然想舊林同聲慙下玉謬此託常金

同前

徐彥伯

夕轉清壺漏晨驚長樂鍾逶迤綸禁客假寐守銅龍予亦
趨三殿肩隨謁九重繁琦疑接曙響華劍此春容相問苔
一作韶光歇彌憐芳意濃願言乘日旰携手即雲從

同前

集作同帝
舍人早朝

沈佺期

閭闔連雲起巖廊拂霧開玉珂龍影度珠履鴈行來長樂
宵鍾盡明光曉奏催一經推集作傳舊德五字選集作擢英才
儼若神仙去紛從霄漢迴客人朝與夕集作千春
奉休歷分禁喜

趨陪

和崔正諫登秋日早朝

前人

鷄鳴朝謁滿白露

集作露白

禁門秋爽氣臨旌戟朝光映冕旒

河宗來獻寶天子命焚棗獨負池

集作津

陽議言從建禮遊

敬和崔尚書大明朝堂雨後終南山見示之作

蘇頲

弈弈軒車至清晨朝未央未央在霄極中路視咸陽委曲

漢京近周迴秦塞長日華動涇渭天翠合岐梁五丈旌旗

色百層粉

一作松非

撩光東連歸馬地南指關鷄場晴壑照金

祀秋雲含璧璫由余窺霸國蕭相奉興王功後隱不見頌

聲存復揚權宜珍構絕聖祚寶圖昌在德期巢燧居安法

商湯冢

集作象

卿才順羨多士賦成章價重三臺俊名超百

郡良焉知掖垣下陳力自迷方

早朝大明宮

賈至

附見杜集

銀燭朝天紫陌長禁城春色曉蒼蒼千條弱柳垂青瑣百

轉流鶯繞

集作滿

建章劔珮聲隨玉墀步衣冠氣

集作身

染御

爐香共沐恩波鳳池裏終朝默默

集作朝

侍君王

和前

王維

附見杜集

絳幘雞人送曉籌尚衣方進翠雲裘九重

集作天

閭闔開宮

殿萬國衣冠拜冕旒日色纔臨仙掌動香煙欲傍衮龍浮

朝罷須裁五色詔珮聲歸向

集作到

鳳池頭

和前

杜甫

五夜漏聲催曉箭九天集作重春色醉仙桃旌旗日暖龍蛇
動宮殿風微鷺雀高朝罷香煙携滿袖詩成珠玉在揮毫
欲知世掌絲綸美池上于集作如今有鳳毛

和前

崔顥一作岑參附見杜集

鷄鳴紫陌曉集作曙光寒鸞轉皇州春欲集作色闌金闕曙集作

曉鍾開萬戶玉階仙仗擁千官花明劔珮星初沒集作落柳

拂旌旗露未乾別集作獨有鳳凰池上閣集作客陽春一曲和

仍集作皆難又作應

早朝二首

王維

皎潔明星高蒼茫遠天曙槐霧鬱不開城鷓鳴稍去始聞

高閣聲莫辨更衣處銀燭已成行重集作金門儼駟馭

二

柳暗百花明春深五鳳城城鷓集作鳥睥睨曉宮井轆轤聲

方朔金門召集作侍班姬玉輦迎仍聞遣方士東海訪蓬瀛

春日直門下省早朝

騎省直明光鷄鳴謁建章遙聞侍中珮暗識令公集作君荀令君

坐處三日香香玉漏催集作隨銅史天書問集作拜夕郎旌旗映閭

闔歌吹滿昭陽官舍梅初紫宮門柳欲黃願將遲日意同

與聖恩長

紫微殿退朝口號

杜甫見集本

戶外昭容紫袖垂雙瞻御座引朝儀香飄合殿春風轉花

覆千官淑景移晝漏稀聞高閣報天顏有喜近臣知宮中

每出歸東省會送夔龍集鳳池

喜達行在所三首 自京窟至鳳翔

前人

西憶岐陽信無人遂却迴眼看 集作當 落日心死者寒灰

茂 集作霧 樹行相引連山 集作連峯 望忽開所親驚老瘦辛苦賊

中來

二

秋 集作愁 思胡笳夕淒涼漢苑春生還今日事間道暫時人

司隸章初覩南陽氣已新喜心翻倒極嗚咽淚 集作涕 沾巾

三

死去憑誰報歸來始自憐猶瞻太白雪喜遇武功天影靜

千官 集作門 裏心蘇七校前今朝漢社稷新數中興年

早朝日寄所居

皇甫曾

長安歲後見歸鴻紫禁朝天拜舞同曙色漸分雙闕裏漏

聲遙在百花中爐煙乍起開仙仗玉珮成行引上公共荷

發生同雨露不應黃葉久從風

元日早朝呈故省諸公

盧綸

萬戟凌霜布森森瑞氣間垂衣當曉日上壽對南山濟濟

延多士蹀躞舞百蠻小臣無事諫空愧伴鳴環

元日朝迴中夜書情寄南宮二人 前人

鳴珮隨鸛鷺登堦見冕旒無能裨聖代何事別滄洲閑夜

貧還醉浮名老漸羞鳳城春欲晚即更憶同遊

春日早朝應制

竇叔向

紫殿俯千官春松應合歡御爐香焰暖馳道玉聲寒乳鷲
翻珠綴祥鳥集露盤宮花一萬樹不敢舉頭看

元日觀郭將軍早朝

釋靈澈

欲曙九衢人更多千條香燭照星河今朝始見金吾貴車
馬縱橫避玉珂

和耿拾遺元日觀早朝

司空曙

元日爭朝闕奔流若會溟路塵和薄霧騎火接低星門響

一作雙魚鑰車喧百子鈴冕旒當翠殿幢戟滿彤庭積作

表歲方編瑞乘春即省刑太官一作諸侯陳禹玉司曆貢

一作獻堯奠壽酒三聲一作觴退簫韶九奏停太陽開物象霽

澤及生靈南陌高山碧一作祥東方遠一作曉氣青自憐楊

子賤歸草太玄經

一作皆雜詠

元日觀朝

楊巨源

北極長尊報聖期

一作仰聖時

周家何用問元龜天顏入曙千

官拜一作喜元日一作日色迎春萬物知閭闔迴臨黃道正衣裳

高對碧山垂微臣願獻堯人祝壽酒年年太液池

一作皆雜詠

送楊凝郎中賀正

韓愈

天星漢落雞喔咿僕夫起食車載脂正當窮冬寒未已借

問君子定何集作行安之會朝元正無不至受命上宰湏及期

侍從近臣有虛位公今此去歸何時

和庫部盧四兄曹長元日朝廻

前人

天仗宵嚴建羽旄春雲送色曉鷄號金鑪香動螭頭暗玉
珮聲來雉尾高戎服上趨承北極儒冠列侍映東曹太平
時節身難遇卽署何須歎二毛

春日退朝

劉禹錫

紫陌夜來雨南山朝下看戟枝迎日動閣影助松寒瑞氣
卷綃縠遊光浮集作泛波瀾御溝新柳色處處拂歸鞍

田司空入朝

張籍

西來將相近集作位兼雄不與諸軍覲禮同早變山來知順
命新收濟下立殊功朝官序謁趨門外恩使宣集作喧迎滿
路中閭闔曉開集作來銅漏靜身當受冊大明宮

早朝寄白舍人嚴卽中

前人

鼓聲初動未聞雞羸馬街中踏凍泥燭暗有時衝石柱雪
深無處認沙堤常叅班裏人猶少待漏房前月欲西鳳闕
集作閣星卽雖去遠閣門開日入還齊

行簡初授拾遺同早朝入門因示十二韻

白居易

夜色尚蒼蒼槐陰夾路長聽鍾出長樂傳鼓到新昌宿雨
沙堤潤秋風樺燭香馬驕欺地軟人健得天涼待漏排闥
闔停珂擁建章爾隨黃閣老吾次紫微卽並入連稱籍齊
趨對折方鬪班花接萼綽立鴈分行近職誠爲美微才豈
合當綸言難下筆諫紙易盈箱老去何徼幸集作僥時來不
料量唯求致集作殺身地相誓答恩光

和集賢劉學士早朝作

前人

吟君昨日早朝詩金御爐前煥仗時煙吐白龍頭宛轉扇
開青雉尾參差暫留書殿多稱屈合入綸闈即可知從此
摩霄去非晚鬢邊集作未有一莖絲

朝謁

鄭谷

捧日整朝簪千官一片心班趨黃道急殿揖紫宸深威鳳
迴香袞新鷲嘯上林小松含瑞露春翠易成陰武德殿前
新栽小松

放朝偶作

前人見集本

寒極放朝天忻聞半夜宣時安逢密雪日晏得高眠擁褐
同休假吟詩賀有年坐來幽興在松亞小牕前

入閣

前人

秘殿臨軒日和鑾返正年兩班文武盛百辟羽儀全霜漏
清中禁風旗拂曙天門嚴新契勘仗入乍集作承宣玉璣
當紅旭金爐縱碧煙對敷稱法吏贊引出宮鈿言動揮毫
疾威容報集作簿專壽山晴靄黛集作顥氣暖連延禮有
鴛鸞集恩無雨露偏小臣叨備位謠詠忝階前

寓直

寓直中庶坊贈蕭洗馬

王筠

龍樓實九重薄寒殊復早玉階泫清露銅池結秋潦霜被
守宮槐風驚護門草之子擲一集文華縱橫富辭藻舒錦
慙光麗握珠謝竒寶愧予非工文何用披懷抱

寒夜直坊憶袁三公

蕭子雲

滴滴雨鳴階悄悄夜靜風落宜猷樹寒洞承光屏高帷
獨曉垂華燈空夜罔所思不相見方知寒漏永

入蘭臺贈王治書僧孺

吳均

故人楊子雲校書騏驎下寂寞少交遊紛綸富文雅余本
隴西使寓居雒陽社相思非不深行人避驄馬

冬夜酬魏少傅直史館

邢子才

年病縱橫至動息不自安兼豆未能飽重裘詎解寒况乃
冬之夜霜氣有餘酸風音響北牖月影度南端燈光且
滅燭花新復殘衰顏依候晚壯志與時闌體羸不盡帶髮
落強扶冠夜行將欲近夕息故無寬忽有清風贈辭氣婉
如蘭先言難一作三友次一作言慙一官麗藻高鄭衛專

學美齊韓審喻雖有屬筆削少能干高足自無限積風良
可搏空想青門易寧見赤松難寄語東山道高駕尚一作

盤桓

一作皆初學記

中書寓直詠兩簡楮起居上官學士 楊師道

雲暗蒼龍闕沉沉殊未開窻臨鳳凰沼颯颯雨聲來電影
入飛閣風威凌吹臺長簷響奔溜清簟蕭浮埃早荷葉稍
沒新篁枝半摧茲晨悵多緒懷友自難裁况復重城內日
暮獨徘徊玉階良史筆金馬揆天才高覺通散騎複道架
蓬萊思君贈桃李於此冀瓊瓌

同徐員外除太子舍人寓直之作 郭元振

太子擅元良宮臣命偉長除榮辭會府直宿惣書坊露濕

幽巖桂風吹便坐桑閣連雲一色池帶月重光葉死蘭無
氣荷枯水不香遙聞秋興作言是晉中郎

春夜寓直鳳閣懷群公

魏知古

拜門傳漏晚寓省索居時昔重安仁賦今稱伯玉詩鴛池
滿不溢鷄樹久逾滋夙夜懷山甫清風詠所思

酬薛舍人萬年宮晚景寓直懷友 上官儀

弈弈九成臺窈窕絕塵埃蒼蒼萬年樹玲瓏下宣霧池色
摧晚空巖花歛餘煦清切丹禁靜浩蕩文河注留連窮勝
託風期睽善譖東望安仁省西臨子雲閣長嘯披煙霞高
步尋蘭若金狄掩通門雕鞍歸騎喧燕餘對明月荆艷促
芳樽別有青山路策杖訪王孫

和楊舍人詠中書省花樹

張文琮

初榮映春叢

初學記作華
萼映芳叢

參差間早紅因風時落砌雜雨

乍浮空影煦

初學記
作照

鳳池水香飄鷄樹風豈不愛攀折希

君懷袖中

直中書省

常承慶

清切鳳凰池扶疎鷄樹枝唯應集鸞鷲何爲宿羈雌大造
乾坤闢深恩雨露垂昆蛟旣含養駑駘亦驅馳木偶翻爲
用芝泥忽濫窺九思空自勉五字本無施徒喜逢千載何
階答二儀螢光向日盡蚊力負山疲禁宇庭除闕閑宵鍾
箭移暗花臨戶發殘月下簾欹白鬢一作髮隨身改丹心爲
主披命將時並恭言與行俱危寄謝登巢客堯年復在斯

和騫右丞省中暮望

楊炯

故事閑臺閣仙門藹已深
舊章窺複道雲幌肅重陰
玄律葭灰變青陽斗柄臨
年光搖樹色春氣繞蘭心
風響高牕度流痕曲岸侵
天明惣樞轄人鏡辨衣簪
日暮南宮靜瑤華振雅音

和蘇貞外寓直

喬知之

自昔重為郎伊人練國章
三旬登建禮五夜直明光
墨草尚書奏衣飄侍御香
開簾竹氣靜拂簟蕙風涼
曉漏離閭闔鳴鍾出未央
從來宿臺上天子貴文強

此詩一百九十一卷重出今已削去

和杜侍御太清臺宿直且有懷 李嶠

貂冠朝彩振烏署曉光分
欲嘯遷喬侶先飛擲地文
庭塵麥雨潤林靜蕙風薰
稽駕終難仰梁鳧且自群

自考功員外授一作郎給事中 沈佺期

南省推丹地東曹拜初學記瑣闥惠移雙管筆恩降五時

衣出入宜真選遭逢每濫飛
器慙公理拙才謝子雲微
案牘遺常禮朋僚隔等威
上台行揖讓中禁動光暉
旭日千門起初春八舍歸
贈蘭聞宿昔談樹隱芳菲
何幸鹽梅處唯憂對問機
省躬知任重寧止冒榮非

酬楊給事庶見贈省集作中 前人

子雲推辯博公禮集作理仲擅詞雄始自尚書省旋聞給

事中言從溫室秘籍向瑣闥通顧我叨集作即署慙無草

文苑英華 卷一百九十五
奏工

集作章
奏功

分曹八舍斷解袂五時空宿昔叨

集作陪

餘論

平生賴擊蒙神仙應東掖雲霧限南宮忽枉瓊田贈長歌

蘭渚同

集作風

同蘇員外味玄夏晚寓直省中 前人

並命登仙閣分宵直禮闈太官供宿膳侍史護朝衣卷幔

天河入當階

集作開
學記作披

初月露微小池殘暑退高樹早涼

歸冠劔無時釋軒車待漏飛明朝題漢柱三署有光輝

文苑英華卷第一百九十

